






M

R. II cd. To. I p. 326 n. 12





SCIPIONIS CAPICII
DE PRINCIPIIS RERVM
LIBRI DVO.

EIVSDEM
DE VATE MAXIMO
LIBRI TRES.



VENETIIS, M. D. XLVI.




Handwritten signature or library mark.

PETRVS BEMBVVS CARDINALIS
SCIPIONI CAPICIO S. P. D.

Oema de principijs rerum tuum , heroicis
P carminibus conscriptum, in duos diuisum li-
bros, legi sane libentissime: est enim eiusmo-
di, ut magnopere cum Lucretij stylum & elegantiam,
tum antiquorum hominum aetatem illam cultam &
perpolitam redoleat: itaque & tibi gratias habeo, qui
me iucundissima tuorum librorum lectione oblectaue-
ris; & Tassum nostrum ea de re plusculum etiam quā
solco amo, soleo autem & debeo certe plurimum, quod
eum puto tibi auctorem fuisse, ut mihi illos mitteres,
ab ipso enim accepi. quamobrem edas illos censeo, si-
nasque per manus perque ora gentium peruagari: ma-
gna enim tua cum laude nomen ipsum proferent, &
aeternitati consecrabit tuum. reliqua de Tasso, cum
ad te redierit, intelliges. Vale. Quarto Non. Iul.
M. D. XLV. Romæ.

Ad illustrissimam Salernitani principis coniugem,
ISABELLAM VILLAMARINAM,
In Scipionis Capicij libros, de principijs rerum
duos, de uate maximo tres, Pauli Manu-
tij, Aldi filij, præfatio.



X omnibus rebus humanis cum nihil sit li-
E teris doctrinâq; præstantius: sequitur, ut li-
terato principe nihil esse laudabilius uideatur.
non enim, si quis humili fortuna scientijs animum
excoluerit, quamuis omnium uirtutum intelligentia sit
ornatus, æque tamen eas uirtutes exercere poterit, ut
summo loco natus. omnium est scire, non omnium ta-
men agere. non cadit in quemuis administratio iusti-
tiæ, non liberalitatis. esse oportet, quibus imperes, ut ius-
titiam colere possis: esse, quod des, ut liberalitatem.
Et quoniam ad hæc primum à natura formamur, &
fingimur, ut, quæ laudabilia sunt, nostra spõte uelimus;
deinde præceptis instituimur, ut uoluntatem ratio con-
firmet: utrunque si quis habet, uerissimis laudibus or-
natur, eo magis, si is est, cui tertiu etiam illud cõtigerit,
ut fortunæ commodis abundet. nam qui uirtutem nõ
ut primum bonum, sed ut alterius boni causam quarit,
ut diuitiarum, ut honorum: ei uirtus, quæ perfectâ nõ
est, quia queritur ad aliud, perfectam laudem asferre
nõ potest. ea perfectâ uirtus est, quæ se ipsa cõtenta ni-
hil appetit, quod extra sit. hanc si quis est qui sequatur,
qui unam diligat, qui ipsam propter ipsam, non propter
aliud expetendam ducat: hic est, quem Dij præter cæ-
teros diligere putantur, cui quidem eam mentem dede-
runt, ut præter ceteros saperet. Tua hæc est, Isabella
præstantissima, tua inquam hæc maxime laus est, cum

enim tibi aut ad opes, aut ad dignitatem nihil ferè posset accedere ; quarum rerum cupiditate adducti, magnarum artium in studiis plerique uigilarunt; ipsa nihil huiusmodi spectans, uirtutis amore capta, cuius pulchritudinem animo cerneres, effecisti, studio tu quidem, sed ingenio magis, ut, cum esses omnium nobilissima, omniumq; pulcherrima, quorum alterum maiorū tuorū, maximeq; uiri tui, Principis omni laude cumulati, magnis rebus testata uirtus, alterū tibi indulgentissima Natura dedit, eadē et sis, et habearis omniū doctissima. hinc illa ad te colendam singularis omniū propensio : hinc multorū poetarū, quibus grauissima Regum bella magni operis argumentū suppeditare poterāt, ad te cānendā traducta ingenia: hinc Capicius ille tuus tuarū laudū laudatissimus præco: qui te admiratur unā, qui obseruat; qui cū de te multa et uera prædicauit, ita cōcludit, unā habere, quæ optabilia sint, omnia. itaque me quidem eodem studio inflāmauit: nihil unquā ut ardētius optarim, q̄ ex tuis unus esse. quod quo facilius impetrarē, feci ipso permittēte atque etiā libente Capicio, ut eius libros, de principiis rerū duos, de uate maximo tres, meæ in te summæ obseruatiæ testes emitterē. diuinū carmē est, multis luminibus ingenij, multa arte distinctū. e= quidē nihil legi in hoc genere perfectius: ut ne Lucretius quidē pluris apud me sit : quo cum antea propter sermonis elegantiā delectarer, utererq; multū, cœpit mihi iā minus esse familiaris, posteaquā Capiciū legi. Hoc opus, et quia scriptū est à tui studiosissimo, et quia uersibus te dignis, idēst luculētissimis; nō dubito, quin à me missum auide accipias, sic inquā, ut de isto me muncre ames plurimū. Vale. Venetijs.

SCIPIONIS CAPICII DE PRIN-
CIPIS RERV,
AD PAVLVM TERTIVM PONT.
MAXIMVM.

Aturæ mundi; cano quæ semina primum,
N Quæ causæ fuerint, atq; unde exordia rerū,
Arduus, aspirent tantis modo numina ceptis,
Egregiusq; labor, longis qui corda tenebris
Soluere, & optata valeat perfundere luce.
Hos mea num fluctus, hæc nare per aquora puppis
Audet, & intacto sua credere uela profundo?
Rex superum, superiq; patris mens unica, per quem
Ipsa parens vires natura accepit, & ortus,
Quo sine mortales longis erroribus actæ
Complentur miseræ terra caligine mentes,
Annue, & his vires tribuens ingentibus aquas
Pollicitis, per te eduxit quas conditor orbis
Immensi, arcanas da rerum pandere causas.
Et tu, quem claræ iam pridem gloria gentis,
Et tua præcipue uirtus immiscuit astris,
Sine feros arces Turcas oriente, piusq;
Te manet ille labor, formidatosq; coerces
Imperio populos, & Christi signa reposcis,
Optatamq; diu terris das maxime pacem
Farnesi, & fessis tandem paris ocia rebus;
Seu gentis te cura pia sanctusq; moratur
Religionis amor, dum tam diuersa sequentur
Hæc super, ambigua soluis formidine mentes,

Et certa in ueram prodit sententia lucem ;
 Ignoti uada pande maris, tenuemq; procellis
 Eripe, & ad tanti cymbam rege marmoris oram.

Perpetuæ tractus telluris uastaq; ponti
 Aequora coerulei, coeliq; immensa profundi
 Mirati spatia, & mundum fulgentibus astris
 Distingui, & uario ferri uaga sidera motu
 Solerti ingenio mortales, abdita nosse
 Naturæ arcana, & mundi indagare latentes
 Tentarunt ortus, dulciq; cupidine rapti
 Querendi in rebus rationem, quæ hisce creandis
 Vis sit, scrutantes, & quæ genitalis origo,
 Inuenere uiam, qua rerum cernere causas
 Primâq; nascentis possent exordia mundi:
 Dumq; animo naturæ agitant secreta parentis,
 His diuersa super decernere contigit, impar
 Ut uotum est cunctis nec mens mortalibus una,
 Tantarumq; ortus rerum penitusq; latentum
 Aggressos aperire, globus caliginis atræ
 Obtexit magis, eâq; alijs inneſcere nodos
 Assuerunt alios, uno centumq; soluto
 Implicuere, nouusq; unquam non defuit error.

Ille igitur quicumq; fuit qui tradere primus
 Hæc potuit, statuitq; nouo primordia mundo,
 Et qui coeperunt naturæ prodere causas,
 Principio finxere rudem nec corpore certo
 Informemq; globum ; uarias unde omnia primum
 Discreta in formas, rerumq; effluxerit ortus .
 Namq; hæc, quæ uacuo nascuntur in æthere, tellus
 Quæq; ferax parit, & salsi quæ stagna profundi,

Irificis concreta modis, dum sumere cernunt
 Hæc aliam, atque illis aliam subrepere sensim
 Naturam, penitusq; noua mutare priorem;
 In variasq; eadem semper cessisse figuras,
 Inq; alias rursus species extincta nouari,
 Omnigeno haud ullam statuere in corpore formam.
 Hinc ortum duxisse rati genitalia partes
 Ducta per expressas orientis semina mundi.
 Inq; illo, possent generatim unde omnia nasci,
 Materiam latuisse rudem, confusaq; certas
 Reddenda in species cunctarum exordia rerum.
 Hinc chaos id Graij dixerunt nomine, primæ
 Quod causæ nondum expromptæ, uisq; abdita matris
 Naturæ, rerumq; forent ibi corpora, nullas
 Formata in partes, tantumq; incerta facultas,
 Qua prima in species coalescere semina possent
 Quæque suas, nasciq; opus admirabile mundus.
 Id uero, fieri possent unde omnia, prorsus
 Principio posuere carens, nullumq; putarunt
 Huic ortum posse aut statium præscribier æui,
 Materia hæc fuerit cunctis quod prima creandis;
 Dum non ex alio potuisset gignier, esset
 Quando nil genitum quod non hinc sumpserit ortum;
 Nèc fieri è nihilo, quia corpora quæque uidentur
 Ex alio gigni, inq; aliud corrupta resolui.

Hæc illis ratio, quis primis noscere curæ
 Semina certa fuit rerum, decernere suasit,
 Tellurem, et quicquid circum hanc diffunditur, ortum
 Principio ex illo, lateq; patentia cæli
 Mœnia conuexi, atque orbes duxisse coruscis;

Hanc longum sectati idem quos impulit ardor
 Naturæ effectus studio indagare sagaci,
 Ante alios pharij regio quis lata Canopi
 Et fortunati suadent stagnantia Nili
 Flumina mortales illinc contendere primos
 In lucem eduçtos; & qui flammantia mentem
 Astra super uigilem atque excelsi culmen olympi
 Tollentes, solisq; uiam, lunæq; meatus
 Sunt primi uarios scrutati, & quo uaga motu
 Sidera uoluantur, seruent quem fixa tenorem,
 Qui regere humanos casus sortisq; futura
 Euentum stellas, atque hinc se posse putarunt
 Ipso qui maneat mortales finis ab ortu
 Prasagire, magi patrio de nomine dicti.

*Aegypti.
 Magi.*

Hæc igitur se se extendens, lateq; recepta
 Ancipites primo inuasit sententia mentes,
 Obtinuitq; diu, donec solertia maior
 Acrius humanos animos exquirere causas
 Edocuit rerum, cœpitq; patefcere longus
 Paulatim, qui se cunctis offuderat, error;
 Namq; animaduersum est, diues quæ educit & auctas
 Natura, haud aliter prodire in lumina uitæ
 Semina, ni è certis cãpianc hæc certa peremptis
 Corporibus, neque proferri genitabile quicquam
 Aspicere est, ni cuiusquam sublata recedat
 Alteriusq; obitu nascendo forma nouetur;
 Causa etenim certa est rebus resoluta creandis
 Materies apta in certam se uertere formam.
 Et quia tam uarias species & corpora quæque
 E' certis gignit rebus natura, nec ullas

*Generatio
 us, & altera
 corruptio
 Arist.*

Suevit ab incerta partes expromere matre .
 Haudquaquam dederit quod rerum semina corpus
 Cunctarum certa, incertum infectumq; putarunt ;
 Nec potuisse sua specie formaq; carere
 Formata in lucem quod cuncta eduxerit, unde
 Lumina cœrulei sint orta nitentia mundi .
 Sumpserit unde sua immensi spumantibus undis
 Circum septa maris tellus primordia mater,
 Quis rerum uarias peperit fœcunda figuras ,
 Vmbriferas uolucrum sedes syluasq; uirentes ,
 Arboreos fœtus, fruges suauesq; liquores ;
 Diuitibusq; aurum uenis, caniq; metalla
 Argenti, & chalibum, solidiq; effuderit æris ;
 Ex quo tot pecudum facies, formaq; uolucrum
 Principio, & monstra omnigenū sunt ducta natantū.
 Vnde etiam humani species pulcherrima fulsit
 Corporis, ætheriæ donati munere mentis .
 Ergo materiem, fuerit quæ rebus origo
 Omnibus, informem patuit non esse, rudemq; .

Præterea quod non uera ratione putarint
 Corpore ab informi naturæ semina oriri ,
 Inde etiam aspicere est, tenues quod lucis in oras
 Non aliter quicquam prodit nec concipit ullos
 Ipsa parens fœtus, perimat ni corpora quædam
 Miris iuncta modis genitalia fœdera soluens ,
 Hinc factura nouis natura exordia rebus,
 Atque ita dissidium patiens abeunte priore
 In liquidas auras extincto è corpore forma ,
 Materies aliam in faciem mutata resurgit .
 Sic alia atque alia in lucem natura profundit

Oe p. sic h
 ex apposit
 Arist.

Semina, & inde nouas iterum manare figuras
Cernimus, inq; alias species sic cuncta renasci.
Quare non poterit corpus formarier ullum,
Ni uis leti aliud perimat compage soluta
Qua prior alterius constabat forma perempti;
Non etenim quicquam fit, ni certa intereat res.
Sic aliud porro ex alio fit, sic noua passim
Exoritur proles forma cedente priore.

Aspice brumali torpet cum frigore cœlum
Extrema in Scythia gelidæue Propontidos oris
Flumina, quæ uolucris cursu lata arua secabant,
Vt fluuidam relinquunt formam, rapidumq; liquorem
In pigram glaciem durataq; corpora mutant;
Mox ubi sol propius radios intendit, & acrem
Dissoluens hyemem concretas uerberat undas,
Insolidum densata gelu uitreumq; rigorem
Liquitur in fluuium species resoluta rapacem.

Sic etiam liquidas fundit cum concava guttas
Sub rigidis spelunca iugis quæ diues opimi
Lucanus pecoris curuo proscindit aratro,
In lapides stillans humor concrefcere duos
Cernitur, & mollis paulatim astringier unda;
Non secus ac terram densat cum frigidus aer,
Vis teētis labens aut flentibus humida ramis,
Stillandi ut linquat morem, quaq; uida fluebat
In glaciem conuersa rigens iam stiria pendet.

Cernis item nigrans tormento inclusus atheno
E' salice ambusio nitroq; & sulphure puluis
Immissi rapidam si uim conceperit ignis,
Quam subito in magnum se uertit corpus, & aer

Tormentis

Fit tenuis, nuperq; locum collectus in arctum
 Iam non se capiens fracto uelut athere fulmen
 Erumpit, cœlumq; horrendo murmure complet,
 Fumiferas stargens nubes procul usq; per auras,
 Emissam flammante pilam dum turbine torquet;
 Vsq; adeo haud aliter fiunt noua corpora, forma
 Ni prior extinctis rebus sublata recedat.

Sic igitur cuncta omniparens natura profundit.
 Humida sic promit fruges & gramina tellus,
 Et foctu ramos, & siluas frondibus ornat.
 Deniq; per terras omnes salsumq; profundum
 Non alia ratione queunt tot corpora gigni,
 Nec ualet in proprias species genus ire animantum,
 Ni prior extinctam discedens forma relinquat
 Materiam unde nouis rebus deducitur ortus.

Ergo quod rerum fudit primordia, certum est
 Non potuisse suam non esse in corpore formam.

Hinc ultra humanæ se se soletia mentis
 Extendit, rursusq; alij referare latentis
 Naturæ arcana, & mundi manifestius ortus
 Tentarunt primos, rerumq; ostendere causas.
 Atque hi non uno posuerunt omnia claudi
 Corpora complexu, nec certos cingere fines
 Naturæ loca, nec spatium hæc præscribier ullo,
 Quandoquidem innumeri possint existere mundi.
 Quare id, quod circum se se diffundit inane,
 Esse infinitum, atque omnes excedere metas,
 Quod nullæ claudant oræ, nec finiat ullum
 Extremum, careatq; omni quod denique fine.
 Hoc intra immensum spatium uolitare minuta

opinio luc
 hij, et Ep
 oz, dū ex
 Atq; nō fin

Corpora, quæ quoniam nequeant in frustra, minores
 Nec findi in partes q̄ sint ea, nomine Graij
 Dixerunt atomos ; atque hinc elementa parentem
 Naturam, & cunctis formare exordia rebus ;
 Dumq; ea perpetuum uarijs per inane feruntur
 Motibus, & coeunt concursu corpora crebro,
 Nexibus inter se ualidis, & fœdere firmo
 Coniungi, inq; unum conuersti plurima corpus ;
 Atque ita cunctarum rerum primordia certis.
 Concilijs fieri, in lucemq; exurgere certam
 Materiam, ex qua naturæ ducatur origo,
 Corporibusq; fluant genitalia semina cunctis,
 Inde ubi sera dies ætæq; hæc finiat æuum,
 Rursus in antiquas atomos corrupta reuolui,
 In ueteresq; iterum conuersti corpora partes :
 Sic rursus exigua immensum per inane uolare,
 Concursu donec coeuntia corpora crebro
 In noua iuncta modis miris elementa resurgant :
 Sic alios infinitum per inane creari,
 Solui alios, rursusq; minuta in corpora uerti,
 Inq; uicem his obitum contingere semper & ortum,
 Et posse innumeros hoc pacto existere mundos .

Hac prima cœnigenam ratione effingere matrem
 Corpora naturam, cunctisq; exordia rebus,
 Graiorum est multis suasum, quis semina mundi
 Prima fuit cura & rerum cognoscere causas .
 Hac eadem Latio illata est, natisq; recepta
 Roma tuis, studio claris cultoque coruscis
 Eloquio, ante alios Italum, qui primus amœnos
 Pieridum ingressus lucos è fronde perenni

Detulit in Latium graio & helicone coronam ,
 Naturæ arcanas rerum dum pandere causas
 Nititur, & raræ deflagrat laudis amore ,
 Hanc pater admittens dulci Lucretius ore
 Exposuit, blandoq; tulit super æthera cantu .
 Felix , si obscuris uerum cognoscere lumen
 In rebus potuisset, mellifluisq; lepore
 Mananti optasset rationem carmine dignam .
 Non illo Aonidum quisquam de fonte liquores
 Largius hausisset, nulliusq; inclyta nomen
 Dignius æternum loqueretur fama per æuum .
 Magne pater, nostra ð ueniens ne deleat ætas
 Carmina, si solis radijs modo sidera quicquam
 Luminis adiiciunt, merito te semper honore
 Prosequar, hocq; tuo uiuet cum nomine carmen ,
 Dum natura satis seruabit fœdera rebus
 Imposita, & celso pendebunt lumina mundo .

Lucretij laus

Sed longe errarunt qui sic statuere parentem
 Semina naturam rerumq; expromere causas,
 Obscuris mersi in tenebris, ueraq; remoti
 A' ratione procul, qui nil mortalia summum
 Coelicolum curare patrem, casuq; putarunt
 Illa regi, æthereasq; animas ut corpora, uitæ
 Lumine dilapso pariter succumbere leto .
 Falso itaque est illis ea sic decernere suatum ,
 Namq; haud innumeris rerum primordia constant
 Corporibus, paruisq; adeo, ut concidier ulla
 In partes nequeant feruie minora secando ;
 Nec mixtum raris densisue in rebus inane
 Plusue minusue datur, spatium nec inane uacansue .

*Error d. ren-
 tis nō dōn-
 p. d. h. a. et
 d. a. casu fieri*

*Consultatio
 ap. m. v. m.
 de Br. Sm.*

SCIPIONIS CAPICII LIB. I.

Quod uero hæc rebus non sint exordia primis,
 Nec naturæ ortus dederint ea parua parenti
 Corpora, quæ nequeant frangi in partesue secari,
 Quæq; uacent numero late uolitantia certo,
 Hinc liquet, & uera poterit ratione probari.
 Nempe ea prima forenti si rebus semina cunctis,
 Hæcere inq; uicem tangi iungi; necesse
 Hæc foret, & se se per mutua necere certo
 Concilio, in certam quo sic commissæ coirent
 Materiam, inq; unum transirent plurima corpus.
 Hæc uero quia sic fierent, hærentia circum
 Parte alia atque alia fieret per corpora tactus,
 Cumq; alio atque alio hæreret quodq; undiq; corpus.
 Quare essent multæ omnino, quis mutuus inter
 Ipsa foret tactus genitalia corpora, partes;
 Atque ita nequaquam diuersis illa carerent
 Partibus, & spatium constarent singula certo;
 Vnde nec innumera hæc essent, cum cætera, quæ ex his
 Orta forent, minime sint infinita, sed illis
 Sit modus, & consent mensura singula certa.
 Sic itaque ex atomis nequaquam corpora gigni,
 Nec duci hinc rebus possunt exordia primis;
 Nec spatium porro in rebus contingere inane
 Posset, ut in cunctis extaret plusue minusue
 Corporibus uacui pro textura, nexuque
 Cuiusque, in densisq; parum multumq; daretur
 In raris spatij impleteret quoddam cuncta uacantis.
 Namq; nec in densis nec raris occupat ullum
 Corporibus spatium, nec inest in rebus inane.
 Quandoquidem genitis si quid contingere posset

} ratio ad
 Exprimend.

} No' dat' uacuum
 cum alia
 Exprimend.

Corporibus uacui, raris quod maxime inesset,
 Dum laxæ partes essent, astringier, inque
 Angustum uī humana aliquod se cogere corpus
 Posset, ut hærentes inter compressior esset
 Particulas nexus, & se densaret in arctum,
 Contractumq; minus fieret totum undiq; corpus.
 Sed non ulla potis uis est rarissima quamuis
 Corpora in angustum spatium densare, minusue.
 Quod licet in tenui penitus cognoscere flatu,
 Quem strato in campo tentum super athera follem
 Aut iacere, aut forti salientem reddere pugno
 Assuetus iuuenis lentæ insufflauit alutæ;
 Illum etenim si quis pressando arctare, minusue
 Contrahere in spatium tentabit, scindier ante
 Dirumpiq; pilam, subitoq; exire tumentī
 Effraeto flatum claustro, & uanescere cernes,
 In spatium arctari detur q̄ angustius unquam:
 Usq; adeo certum est non esse in rebus inane.

Id uero ex alia constat ratione, patetq;
 Inde etiam, quod dum contentum corpus, & intra
 Quemuis conclusum locum ita immutatur & omni
 Afficitur parte, ut totum densetur in arctum,
 Quod fit præcipue astrictum est ubi frigore corpus,
 Concepta calida uī discedente, necesse est
 Ut quantum spatij se arctante relinquitur illo,
 Tantum aliud corpus coniunctum repleat, ipsa
 Inuita illius quamuis natura repugnet,
 Ut nil non rerum admittat natura, feratq;
 Dum nullum omnino spatium patiatur inane.
 Idq; cucurbitula immisso perjusa calore

de uis
 folij, qu
 sedat e
 nes.

Cucurbitula

Aut carni impressa, aut cedenti concava cuius
 Materia ostendit, namq; hinc dum frigore cedit
 Obrepente calor, quiq; illa includitur aer
 Contrahitur, spatiumq; ideo minus occupat, & se
 Cogit in angustum, spatij non ulla uacare
 Pars datur, hærenti sed succedente repletur
 Corpore quod reliquum est, alio licet ipsa resistat
 Illius & se se aduersum natura feratur,
 Ut nihil haud usquam spatij sit inane, uacansue.
 Sic etiam fluxæ trahitur uis humida lymphæ
 Natura aduersante sui, si forte perustus
 Limoso in stagno clausæ in ualle iacentem
 Hauserit inclusam terebrato hanc stipite messor,
 Illa subit, tractusq; loci quem deserit aer
 Occupat, & sursum salientis lubrica suctu
 Fertur, ut in rebus spatium non detur inane.

Ergo qui innumeros mundos statuere uacansq;
 Atque infinitum spatium quod parua teneret
 Corpora, concilijs quæ inter se hærentia certis
 Omnia proferrent uitalis lucis ad oras,
 Errarunt uera longe a ratione remoti.

Quare id quod uisum est alijs decernere rerum
 De causis mundi; ortu scrutemur, & ultra
 Pergamus super his illorum exponere sensus.

Atque uidenda horum prior est sententia, certæ
 Qui natura unum esse infinitumq; putarunt
 Corpus, quo cælo ac terris, undisq; profundi
 Sint maris, & primis deducta exordia rebus.

Atque, hoc in spatium immensum diffundier extra
 Mœnia conuexi corpus flammantia mundi.

Hæc

*P. opinio
 ponentis
 u. p. m.
 rex.*

Hæc uero haudquaquam ratio est his tradita simplex.
 Nam diuersa alij cœlo constare putarunt
 Natura id corpus, quæq; ex hoc condita primis
 Corporibus dias uenissent lucis ad oras.
 Ast alij licet à cœli id statuere alienum,
 Natura tamen esse rati sunt una eademq;
 Corporibus qua unum ex his est, aut liquidus aer
 Aut ardens ignis uel aquarum mobilis humor.
 Rite tamen nulli corpus, quo exordia rebus
 Prima forent cunctis, infinitumq; carensq;
 Præscripto spatio, cœlum, quia tempore certo
 Voluitur, & mensura finitum esse necesse est,
 Constituerunt esse, quod illud uertier ullo
 Non posset certo infinitum tempore corpus.
 Aut igitur natura alia penitusq; remota
 Materiam à genitis rebus primam esse putarunt,
 Aut eadem è tribus est uno quæ in corpore primis,
 Acre uel liquido aut igni tremulo ue liquore.

Sed qui materiam hanc rebus statuere creandis *Confut.*
 Hi quoq; semoti uera à ratione uagarunt;
 Namq; extra cœlum cuiusuis non datur usq;
 Naturæ esse, ac non infinitum modo corpus,
 Sed nec certa etiam cui sit mensura, nec ullum
 Omnino, usque adeo è cœli nil finibus exit.
 Et natura illud quo sint exordia rerum
 Esse à corporibus cunctis non posse remota
 Ardua quæ mundi amplectuntur mœnia corpus,
 Inde patet, certa q; potest ratione probari,
 Cuncta etenim dum se corrumpunt corpora in illud
 Vnde erat his ortus demum se extincta resoluunt.

Namq; id quod rebus fundit primordia cunctis
 Corpus idem est illæ sua cum se in semina uertunt,
 In corpusq; abeunt unde his manauit origo;
 Sed quæ dissidium patiuntur corpora, certum est
 Non nisi in horum aliquod uerti, quæ finibus ambit
 Immensus late qui amplectitur omnia mundus.
 Ergo id materies fuerit quod prima creandis
 Corporibus, dederitq; nouo primordia mundo;
 Diuersum à mundi natura haud esse necesse est.
 Quare pars eius rationis, qua noua rerum
 Semina manare ex horum quæ ostendimus uno
 Corpore decrerunt, similis magis altera uero est.

Sed qui hæc gignendis posuere exordia rebus
 Errarunt, horumq; etiam sententia longe
 Absuit à ratione, ipsum dum semina corpus
 Prima ferens rerum, extra lata existere cœli
 Mœnia in immensum spatium statuere profundi,
 Et se se extendens omnes excedere metas,
 Perpetuos fusum in tractus, nec finibus ullis
 Compræsum; ueræ prorsus rationis egentes,
 Qui spatium hoc ingens mundi immensasq; cauernas
 Vasto animo augere, & tantos protendere fines
 Tentarunt meditando, inq; id se extollere mente
 Quod nil sit, nulloue queat consistere pacto.
 Ac si is qui cœli diffunditur undiq; tractus
 Non satis ad speciem naturæ ususq; fuisset,
 Cuius qui norint spatium quamq; omnia late
 Finibus immensus claudat, non debeat æque
 Quam tanta ipsa moles esse admirabile quicq;.

Sed quæ corporibus uis est ostendit eadem

Natura haud posse infinitum existere corpus,
Qua est horum quoduis quod cœlum clauditur intra.
Ex illis etenim aut graue quodq; est, aut leue corpus;
Et graui in præceps recta mundi; feruntur
Ad medium deorsus pressanti pondere tracta;
At contra è medio sursum tendentia recta
Tolluntur leuia, eâq; imo sublata resurgunt;
Atque intra cœlum sic corpore cuncta mouentur.
Ast infinito in spatio non est locus usquam
Omnino medius pars certa aut terminus ullus:
Inde infinitum haudquaquam leuitate daretur
Extolli aut pressum delabi pondere corpus,
Dum locus huic superus non usq; aut inferus esset
Quo se se ferret, regio nec certa, neque illi
Hi possent certi prorsus contingere motus,
Qui natura agitant quæ claudit corpora mundus.
Quare ex illorum natura existere corpus
Nequaquam id posset certo quod sine careret.
Ergo siue alia id corpus constare putarint
Natura è genitis rebus, quod certa creandis
Corporibus tulerit genitalia semina cunctis,
Siue eadem qua aer ignisue humorue fuissent,
Esse infinitum nequaquam posse fatendum est.

Hæc de principiis uarie discernere rerum
Est alijs uisum atque alijs qui denia longis
Per nemora errarunt seclis altosq; recessus,
Dum cupide exquirunt naturæ claustra latentis
Ingredi, & arcanas mundi cognoscere causas.
Nunc age mens hominum quid uestigauerit ultra
His super, & quæ iam late sententia rerum

SCIPIONIS CAPICII LIB. I.

De ortu per magnas admissa est undiq; gentes
 Expediam; iuuat in lucos penetrare silentes,
 Perq; alta umbriferi nemoris deserta uagare,
 Dum claro obscura studeo referare reperta
 Carmine, & arenti latices inducere campo
 Aonidum uiridi e' luco, quo terra liquore
 Emittat madefacta nouo de gramine flores;
 Vnde meae insignis pingatur laurea fronti.
 - Sed iam quæ late inualuit sententia cunctis
 Obseruata diu de ortu dicenda parentis
 Naturæ, & prima nascentis origine mundi.
 Materiam primam qua rerum corpora consient
 Cunctarum in tenues quæ oriuntur luminis oras,
 Quæq; perempta atri uis leti dura resoluit,
 Quatuor in rebus statuerunt, igne, animaq;,
Humentis lympha ac terra; quis cætera gigni
 Corpora cuncta rati e' primis elementa uocarunt.
 Et coniuncta, quidem in reliquis ea quatuor esse
 Omnibus, ac genitis confusa admistaq; rebus,
 Naturam per se ipsa habeant cum singula certam.
 Hinc fore simplicia in puraq; existere prima hæc
 Natura, at mista & compacta his cætera primis.
 Namq; in corporibus cum frigus inesse caloremq;
 Aspicerent, calida uno eodemq; haud posse putarunt
 Corpora principio genitæ, & frigida oriri.
 Aduersatur enim frigus, pugnatq; calori;
 Sic quoq; cum ariditas insit tum liquidus humor
 Corporibus, quæ etiam res mutua prælia miscent,
 Arida non posse atque humentia corpora gigni
 Principio ex uno, & communi e' matre creari.

*Materia
 r'p'it' i' q' r'
 Elementis.*

Quatuor his uero ratio est affectibus illa
 Per cuncta aerias quæ oriuntur corpora in auras,
 Vnus ut aduersus sit cuius de tribus uni
 Qui superant, reliquis e' binis differat idem
 Alterutri; porro a' reliquis non discrepet hilum.
 Nam quæ cuncta calent penitus frigentibus obstant;
 At uero hæc aut humida sint aut sicca necesse est.
 Frigida sunt itidem calidis aduersa, sed illis
 Arida uel uis est aut humens, sic quoq; certis
 Humida dissidijs inter se atque arida certant,
 Sed natura calens horum uel frigida utrisq; est,
 Vnde quater geminos certum est in rebus inesse
 Quatuor affectus genitis, quæ arentq; calentq;
 Quæq; hument calida, & quæ frigent humida, quæq;
 Arenti e' natura immisto frigore constant.
 Quatuor esse igitur statuerunt prædita binis
 Singula per se rerum elementa affectibus, unde
 Certa quater diuersa foret genitalis origo
 Corporibus, natura creat quæ diues & auctat.
 Esse autem calidaq; ignem arentisq; putarunt
 Natura, & lymphæ humorem frigere liquentis;
 Et tepidum humere aera, magnæ frigore brutum
 Telluris corpus permisto arere parentis.
 Quatuor ipsa autem sunt credita corpora cunctas
 Res supra ortas pura, & qualia prima necesse est
 Esse in corporibus quæ sunt elementa creandis.
 Cum uero cunctis eadem sit rebus origo
 Materię, ex alioq; aliud non ducere corpus
 Semina principio pote sit, dum exorta quaternis
 Cuncta e' corporibus posuissent semina primis,

Quatuor
 Corpora
 Qualitas.

Quatuor hæc etiam esse in re una quaq; fateri
 Iuncta necesse fuit, primisq; his cætera mistis
 Corpora produci ex elementis primaq; cunctis
 Confusa in genitis admistaq; corpora rebus,
 Inq; unum è puris fieri coeuntibus ipsis
 Materiem rerum quascunq; sub ætheris oris
 Arida producit tellus aut mobilis humor.
 Id uero in gignendis soluendisq; putarunt
 Corporibus nosci, dum res per prima uiderent
 Quatuor hæc gigni in lucem extinctasq; resoluti.

Suppositis etenim fornax calcaria flammis
 Dum calet, & duri ardenti torrentur ab igne
 Inclusi silices, natiuum pondus in auras
 Atherias abit, atque urendo densa dehiscit
 Materies, quodq; è rapida de marmore flamma
 Demitur excocto in tenuem se se æra uertit.
 At silicè ex ipso si ferro alliditur, ardens
 Scintilla, & calidus frigenti excuditur ignis.
 Præterea in lapidem tellus densatur, idemq;
 Liquidus in marmor densando cogitur humor.
 Sic illis igitur uisum est elementa creari
 Per prima hæc genitas res corruptasq; resoluti.
 Namq; rudi è terra, teneroue humore coacto
 Fit lapis, unde aer, & candens gignitur ignis.
 Sic quoq; cum dubij subeunt certamina belli
 Ferro instructæ acies, & totis uiribus hostes
 Mutua consertis exercent prælia dextris,
 Dum caua terribili tinnitu pulsa resulant
 Arma, uomunt crebros gladijs tundentibus ignes.
 Præterea duris sonipes calcaribus ætus

*Mistua gna
 Ro, et Corru
 pho*

Colpans.

Dum salit, & silices ferratis calcibus urget,
Excudit rutilos ignes, soleaq; latentem
In tenues acer scintillam dissipat auras.
Defossi quoq; pars chalybis rubigine sensim
Exesa in terram putrescit, at aera soluit
Se pars in tenuem leuibusq; adiungitur auris.
Idem etiam fornace chalybs ardente liquefcens
Humorem in tenerum dissoluitur, & noua fusis
Ducitur è riuo feruenti forma metallis.
Collis etiam diffundi cernitur ignis
E' trabibus, duraq; abstrusam ex arbore flammam
Excudi, montesq; procul fumare minaci
Ventorum impulsu se se allidentibus alto
Stipite concusso patulis per mutua ramis,
Flammarumq; globos undantes surgere in duras.
Deniq; dum magnos natia incendia montes
Ructare, & calidas in cœlum uoluere flammâs
Aspicerent, tepidosq; ardenti exurgere fontes
Tellure, & magnos antra exudare uapores;
Sulphureosq; lacus uasto cum murmure ab imo
Misceri, & rapidis tolli feruoribus undas,
Flammarum in genitis abstrudi semina rebus
Omniaq; ignigenas æstus calare putarunt.
Tum uero omniferam uaria ex humore uidebant
Corpora naturam molli producere matrem;
Frondosasq; comas nemorum stirpesq; feraces,
Ac ueris frondentis opes, & gramina læta;
Et quæ præterea è fœcundis plurima promit
Visceribus terra fluuido manare liquore,
Et liquidis generi è guttis coalescere roris,

Quæ uigor excedens proprius cum extincta relinquit,
 Tellurem in putrem partim corrumpier, auris
 Misceri partim, inq; animam transire liquentem.
 Compositis igitur cunctis elementa putarunt
 Quatuor hæc ideo coniuncta in rebus inesse,
 Singulaque immistis constare his corpora primis,
 Quod mistum aspicerent e' quopiam oririer ipsis
 E' primis quoduis se in cætera soluere corpus.
 Atque ita dum mista exoriuntur corpora, dumq;
 Demittunt primam hæc eadem resoluta figuram,
 Miris iuncta modis naturæ prima putarunt
 Omnigene in quouis mistorum semina nosci.

Sed iam quæ de corporibus sunt tradita primis
 Quatuor, & longis uulgata admissaq; seclis
 Quam recta fuerint ratione inuenta uidendum est.
 Idq; indagandum in primis, hæc ducitur unde
 Traditio, an quoniam quos supra ostendimus ortis
 Esse quatergemini affectus uarij; uidentur *De numero*
 Corporibus, gigni sic corpora mista necesse *47 Elea?*
 E' puris diuersi affectus quis quater insint;
 Ut quoniam uarijs distant se affectibus inter
 Condita, principio possint non omnia ab uno
 Manare, e'q; eadem produci corpora matre.
 Namq; e' principio quædam contingeret ortus
 Accipere affectus ydem cui prorsus inessent;
 Principium uero reliquis foret omnibus ipsum,
 Cui affectus ambo aut esset contrarius alter;
 Nam cunctis seu sint naturæ corpora mista,
 Seu puræ gemini primis e' quatuor illis
 Affectus insunt; ut sicca humore liquenti,

Frigore seu densanti laxantive calore,
Vt si corporibus cunctis foret una creandis
Materies aqua ; quod Graui qui noscere mundi
Semina tentarunt quidam statuere priores,
Frigida constarent atque uida affectibus iisdem
Corpora, prima quibus rerum genitalis origo,
Aut arentibus ☿ calidis diuersus uterq;
Affectus, calidis uero atque humentibus alter.
Idq; etiam omnino contingeret, omnibus aer
Si foret aut tellus genitis aut ignis origo;
Sine etiam ex ipsis duo si primordia rebus,
Vt quondam uisum est non nullis, sola fuissent,
Aut si forte tria, id fieret quoq; praedita quaedam
Corpora ut ex alijs q̄ prima affectibus essent.
Quandoquidem affectus, geminis quis singula constant
Corpora, diuersi in rebus quater omnibus insunt.
Ergo quater geminis quod sint affectibus ipsis
Corpora diuerse se se inter praedita, uisum est
Et dubio procul admissum, prima omnibus esse
Quatuor omnino genitis exordia rebus,
Cum quibus haudquaq; quae ex his sunt codita partim
Corpora conueniant, his partim cetera pugnent;
Sed quibus ☿ purae mistaq; affectibus ipse
Res. constant, cum principijs orientia prorsus
Corpora conueniant, nec ab illis cetera distent.

Hac elementorum ratio ex affectibus hisdem
Quatuor inter se diuersis, uerior inde
Praecipue uisa est, quod cum sint pura necesse
Esse ea corporibus quae sint elementa creandis,
Quatuor haec supra quae ostendimus ignis ☿ aer

Humorq; & tellus, sunt pura credita prorsus
 Naturæ, non plura illis numeroue minore.
 Id uero haud sensu tantum, sed posse per ipsos
 Affectus etiam nosci ratione putarunt :
 Quod cum affectibus, ut prædictum est, singula binis
 Puraq; ac mista naturæ corpora consent,
 Cumq; quater diuerse affectus omnibus insint
 Corporibus gemini, diuersis quatuor esse
 Prædita prima modis sit corpora pura necesse
 Non minus ac mista, atque ideo quæ semina cunctis
 Corporibus dederint, elementa fuisse quaterna .

Nunc uero id primum inspiciamus, quatuor illa
 Quæ pura & reliquis sunt prima exordia cunctis .
 Tradita corporibus, tellus, aqua, spiritus, ignis,
 An quater inter se diuerse affectibus illis
 Consent, ut nequaquæ affectibus omnia primis
 Composita à puris elementis corpora distent,
 Ut calidus siccusq; ignis, sit frigida & humens
 Lympha, calens aer natura atque humidus idem,
 Omnipara arescens permixto frigore tellus .
 Esse autem tales certum est ignemq; liquoremq; ,
 Ast animæ ardorem, telluri frigus inesse,
 Nec ratio admittit nec uis capit ardua mentis .
 Nam quoduis ut sit corpus frigensue calensue
 Accipimus sensu eaq; effectu noscimus ipso ;
 Quare sic demum naturæ spiritus esse
 Credetur calidæ, afficiat si admota calore
 Corpora ; frigentis contra censebitur ipsa
 Frigore si tellus hærentia corpora denset .
 Quandoquidem summe afficiunt frigusq; calorq; .

Ergo animam calidi si non emittere quicquam
Per se ostendemus, sed magnum reddere frigus
Nec per se quicquam tellurem frigore matrem
Afficere, ac magnum potius præbere calorem;
Contingit stare ut nequeat labemq; minetur
Quatuor his moles naturæ fulcta elementis,
Dum frigere animam apparebit, terramq; calere.
Quatuor his primis nequaquam ut quater insint
Naturæ ex primis diuersæ affectibus illis,
Vnde patet reliquis haud esse hæc semina rebus,
Quando corporibus fuerint si exordia plura,
Naturas esse his plures uariasq; necesse est.
Ac prius omnigena est terra de matre uidendum,
Post animæ quæ ui constet natura liquentis.
Id uero hac in re attendendum est, in ratione
Naturæ, affectu quæ uis censerier illo
Quo per se ac propria ui constant corpora, non quem
Accipiunt aliunde, & quo facile afficiuntur;
Prædita enim per se natiuo multa calore
Frigescunt facile, facileq; calentia contra
Frigentis quæ sunt naturæ corpora fiunt.
Nam quid frigidius lympa est natura? rigentem
Vim tamen ingenitam facile calefacta relinquit.
Illæ etenim conclusa utero fumantis aheni,
Supposito largos astus si concipit igne,
Aestuat, ingentiq; furit tumefacta calore.
At contra quisquam si animantium corpora lymphæ
Comparet atque animæ, per se constare calenti
Naturæ noscet; nam uita animantibus ipsis
E' calido constat, facile tamen illa calorem

SCIPIONIS CAPICII LIB. I.

Natiuum rigido torpentia frigore linquunt .
 Cum forte in Scithicis brumali tempore campis
 Horrida tempestas late desauit, & acri
 Frigore densatur tellus, montesq; niuales
 Pracipitat gelidus grauidis è nubibus ather,
 Omne hominum genus, & mutarum secla ferarum
 Fertentat subiens ima in pracordia frigus ;
 Tum multis uita in tenues dilabitur auras,
 Et concreta calor uitalis corpora linquit.
 Balantumq; greges pereunt armentaqlata;
 Et rigido passim uolucres ex athere lapsæ,
 Extinctisq; coit frigens per corpora sanguis.

Ipsa igitur tellus natura frigida non est
 Propterea, è liquidis lapsos quod nubibus imbres
 Dum bibit aut humore alio madefacta liquenti est,
 Emittit frigus, namq; id non reddere tellus
 Apparet, sed qui natura est frigidus humor.
 Ille etenim arenti dum terra emittitur ipsa
 Afficit admotum torpenti frigore corpus.

Sed nec quod lapidum natura est frigida, terram
 Vi quoq; frigenti omniparam constare putandum est,
 Ossa themis quamq; cecinit iactanda parentis,
 Tempore quo undiuomo absorptis mortalibus imbre
 Deucalion genus humanum reparauit, & orbem
 Per uacuum lapides iecit, tenuiq; repente
 Infusa caluere anima frigentia saxa.
 Nam neque qua lapides tellus ui constat eadem,
 Quandoquidem lapidū haud una est natura, sed horū
 Diuersis ualde naturis pradita uis est.
 Vis etenim propria est humore carentis arena.

Gypsus item & Calybum uenæ, & quæ talia tellus
 Educit, propria natura singula constant.
 Atque his non eadem quæ ipsi uis insita terræ est.
 Quare telluris ratio dum quæritur, illa
 Excludenda procul sunt, indagandaq; puræ
 Telluris uis est, num per se frigora reddat,
 An caleat, tenuem ne animam præstet ue calore.
 Hac uero ut certa possint ratione probari,
 Præcipue ex sensu dabitur tibi nosce animantum.
 Nam cum sæuit hiems, & cælo frigidus humor
 Densatur, caniq; ruunt è nubibus imbres,
 Non loca tecta modo exesisq; in rupibus antra
 Arcendam ad pluuiam quærunt, sed uiscera terræ
 Rimantur penetrantq; feræ, quis frigora uitent
 Seq; magis calida condant tellure sub ima,
 Frigus ubi & gelidi deuitent uim aeris acrem,
 Nec temere è latebris rigida sub tempora brumæ
 Tristia defossis degentes ocia terris
 In lucem ueniunt, cælo ni clarus aperto
 Sol prodit radijsq; patens fulgentibus aer
 Forte repercutitur, solitoq; affecta tepescit
 Terra magis, densæ frigiunt dum ex æthere nubes,
 Sed contracta cauis gelido procul ære condunt
 Corpora, uere nouo donec producit aperto
 Terra sinu nitidis distinctas floribus herbas,
 Et uarios promit non uno è semine foetus.
 Tunc horrens segni resolutus membra ueterno
 Egreditur, fossasq; domos terræq; latebras
 Deserit, atque situm uillis deformibus ursus
 Excutit, & totum se ad solem lan. bit apricum.

Et mutum quodcunq; genus brumale perhorrens
 Frigus & acre gelu sub terra conditur ima,
 Non prius optatam lucem cælumq; reuisit,
 Quam calidis gelidus tepesciat solibus aer,
 Verq; hyemem fuget informem glaciemq; relaxet.
 Ipsa igitur quot bruma tegit tellure sub alta,
 Sub latebrisq; gelu uitant animantia cæcis,
 Ostendunt tenuem natiuo ut bruta calore
 Exuperet tellus animam, illiusq; tepentem
 Naturam ex horum dabitur tibi noscere sensu,
 Et contra ut gelida ui constet liquidus aer.

Id uero ex sensu non tantum nosse animantum,
 Sed rebus licet ex cunctis tibi cernere, possunt
 Quas tenuis calor afficere aut penetrabile frigus.
 Namq; liquens aer, & tellus arida per se
 Tantum si afficiant, nec solis ab igne calecant,
 Admotum quoduis animæ frigescit ab illa
 Corpus, idem crebra cinctum tellure tepescit.
 Hæc tamen ex multis poteris cognoscere rebus.
 Arida quas tellus aut humidus afficit aer,
 Præcipueq; patent è mollis corpore lymphæ.
 Hæc etenim nostrum cum sol obliquius orbem
 Despectat, radiosq; minus concreta rigenti
 Terra gelu in liquidum phœbeos æra reddit,
 Visceribus uenisq; magis calet abdita terræ.
 At quæ per campos se se diffundit apertos,
 Et teneræ uacuis animæ coniungitur oris,
 Non modo uim retinet gelidam, sed sæpe nitentem
 In glaciem, pigrumq; gelu concreta rigescit.
 Vnde patet celerem ut sistant labentia cursum

Inq; nouum subito concreſcant flumina marmor;
 Vtq; uagus tumidum magno cum turbine in aquor
 Voluere præcipites ſuetus dannubius undas,
 Sol ubi decedens udum declinat ad auſtrum,
 Frigeſcens lymphæ qua dorſu ſpiritus hæret,
 Cæruleas coit in cruſtas glaciemq; rigentem.

Ipfum etiam ad ſeptem tellus qua extenſa triones
 Cingitur offuſus pallet dum nubibus aer,
 Aduerſoq; nitet phœbi fax fulgida in orbe,
 Oceanum ſtringi perhibent, uitreamq; coire
 In glaciem, & late undiſonum concreſcere marmor

*Mar' co
gelat.*

Ergo quod iunctum corpus tellure caleſcit
 Vi gelidum id reddit natia ſpiritus hærens.

Quapropter tellus animæ collata liquenti
 Non modo non gelida eſt, illi ſed frigus ineſſe
 Cenſendum; contra, quantum non ſole tepeſcit
 Admoto, tenuis natura ſpiritus alget.

Atque etiam ſi quis per ſe conſideret ipſum
 Omniuagum, ſiccæ nec comparet æræ terræ,
 Conſtabit naturæ illum non eſſe calentis,
 Sed gelidæ omnino, & rigido qui frigore terram
 Non ipſam tantum, terrenaq; corpora uincat,
 Sed uideatur aquis etiam non eſſe rigenti
 Natura inferior, frigereq; non minus illis,
 Admotumq; æri perſtringere frigore corpus.

Ipſe autem uſque adeo per ſe ſe eſt frigidus ær,
 Illius ut frigenſ ſtringat uis ſola pruinam,
 Producatq; niues gelidas; tenerumq; liquorem
 Grandinis in duræ crepitantia corpora uertat.
 Atque adeo certum eſt uī animam conſtare rigenti,

grandis

Vt madidam se se tenuis qui colligit humor
 In pluuiam, solito cum fit sublimior, æstu
 In medio quoque densetur, concretaq; fiat
 Grando, & flauentes late prosternat aristas;
 Quandoquidem terræ qui obducitur infimus aer
 Quantum eadem solis radios percussa coruscos
 Reflektit tellus calefit, gelidamq; relinquens
 Naturam, emittit calidos quos concipit æstus;
 Præcipue æstate in media, uehementior ille.
 Aera cum pulsat reflexus, quod ferit ipsam
 Tunc minus obliqui solis uis ignea terram.
 Altior æst aer quo non pertingere solis
 Reflexus potis est, friget, semperq; rigenti
 Vi constat, quoniam natura est frigidus aer.
 Nec secus ac mollis reddit frigentia liquor
 Admotæ & gelida ui stringit corpora, quo fit
 Vt pluuius coeat fluor, & concreta rigente
 Aere præcipitet magno cum turbine grando.
 Quapropter plane constat, per se aeræ quod uis
 Afficere admotum torpenti frigore corpus,
 Naturaq; illum prorsus frigere, suaq;
 Reddere ui magnum quocunq; in tempore frigus.
 Quatuor ergo illis ratio ex affectibus inter
 Se se diuersis nil rebus quatuor ipsis
 Conuenit exortis quæ sunt exordia prima
 Tradita corporibus cunctisq; elementa creandis.

Namq; nec humor inest calidus nec frigida in illis
 Ariditas, cum & lymphæ fluens & mobilis aer
 Quæ sunt humentis naturæ, ui quoq; per se
 Frigenti constens, ex his quæ ostendimus, ambo.

*Ipsa autem cui vis arens est insita tellus
Sit potius calidae naturae qualis & ignis.
Quod si ut deductum est, ea corpora quatuor, ima
Tellus, & mollis liquor, aer, ac levis ignis,
Quatuor haud primis sunt his affectibus inter
Se diuersa quater, naturae corpore quales
Quatuor in genito certum est existere quouis,
Omnino constat non hæc affectibus esse
E' primis ipsis orto in quocunq; quaternas
Corpore naturas, cunctis elementaq; prima
Ac rerum omnino si exordia plura fuissent,
Diuersa inter se, & natura singula, uiq;
Esse sua, à reliquisq; foret differre necesse.
At uero haudquaquam sunt talia quatuor illa
Corpora, sed cum alio natura singula eadem.*

Corpora qui primus descripta pingere forma,
 Certum opus assimulans studuit, pingensq; referre
 Naturam; humanæ digitum circum tulit umbraë;
 Lineaq; oppositum conspecta est ducta referre
 Corpus, & effigiem similem sic ponere uero..
 Hinc rerum species imitari certius arte
 Inuenta, & molles alij miscere colores
 Cœperunt, propriumq; decus sensim addere formis;
 Conati certum pingendo ostendere morem
 Naturæ, atque umbras rerum monstrare sequaces.
 Vnde ipsos modo non spirans elusit imago
 Artifices, natia ratos se ponere, pictor
 Quæ uaser in tabulam mira deduxerat arte.
 Sic hominum incipiens sensim mens dædala partes
 Certius expressas picto est imitata, rudisq;
 Succedens uitia expolijt solertia secli,
 Tantum acuit longo ingenium se tempore dulci
 Dum demonstrandi naturam flagrat amore.
 Sic & qui arcanos ortus ostendere rerum
 Primaq; nascentis cœpere exordia mundi
 Ex alijs alias naturæ ducere causas
 Aggressi, uarie super his statuere, diuq;
 Certarunt penitus rationem exquirere ueri,
 Et cæca eripere humanas caligine mentes,
 Donec longa dies, uariosq; exulta per usus
 Mens iter inuenit ueri ad sublimia templa,
 Et certas rerum, quantum non impedit agra
 Mortalis ratio, causas ostendit, & ortus,

Quæ modo tam densis procul inde ambagibus ætis,
Abdita naturæ cupientes claustra subire,
Ante oculos interq; manus exposita tuentur,
Omnia pierio à nobis conspersa liquore.

His igitur statuendum est perspicueq; tenendum
Quid sit quod dicunt elementum, & uis ratioq;
Est eius scrutanda rei noscendaq; primum,
Vt plura, anne unum sint rerum semina corpus.
Vtque illud cunctis fuerit quod origo creandis
Corporibus reliquis liceat discernere quid sit,
Atque animis rerum naturam noscere auentum
Hæc monstrare nouo ac dulci comperta labore.
Ac ratio omnino duplex est corporum in ipsis
Principijs ex materia, ex formaq; petita,
Et nunc materiæ primos tractabimus ortus
Semina quæ mundi rerumq; elementa uocamus.
Porro id cum liquido, naturæ conditor ausis
Annuat his tantum, & uera ratione probarim,
Tunc demum quæ sint ostendam exordia formæ.
Principium namq; id rebus datur omnibus, ex quo
Progenitis primus reliquis deducitur ortus,
Atque in quod redeant demum resoluta necesse est.
Et talis cuncti naturæ elementa putarunt,
Vt uocum primas, quarum quod quæq; figura
Sit signata sua deductum est littera nomen,
Prima elementa uocant primis quod uocibus his fit
Cuncta oratio, ad extremumq; resoluitur ipsas
Illius sonus in uoces, unde illi erat ortus.
Talia enim haud rerum cunctarum corpora prima
Esse queunt, si plura ea sunt, ut detur in illis

Esse gradus quosdam, per quos concrefcere poffint
 Diffoluiq; eadem, eiq; alio primordia fumat
 Ex ipsis aliud, nam quod fua femina ducit
 Ex alio, non eft reliquis id rebus origo.
 Syllabæ enim uocem efficiunt, minime tamen ipfæ
 Sunt uerborū elementa, quod haudquaquā datur, ortum
 Vt primo tradant hæ uerbis litteræ ut ipfæ,
 Et neque in extremas oratio foluitur illas.
 Syllabæ & ex ipsis uocum funt elementis,
 Inq; eadem demum redeunt extrema folutæ.
 Quapropter primis oratio manat ab illis,
 Non etiam ipfæ funt uerborum fyllabæ origo.
 Sic in principiis naturæ haud eft elementum
 Id corpus quo non contingit cuncta creari
 Ex primo, aut in idem extremum refoluta redire,
 Fitq; ipfum ex alio, inq; aliud fe foluit abitq;
 Sed prima id prorfus genitis eft rebus origo.
 Atque elementū, ex quo, ut dictū eft, concrefcere primo
 Cætera, in extremumq; refoluiet omnia certum eft.
 Ipsumq; ex alio nequaquam femina ducit,
 Inq; aliud nulla fe fe ratione refoluit.
 At reliquis fi prima quidem quis femina rebus
 Plura elementa effe, hæc credat tamen ipfa creari
 Inq; uicem folui, uera à ratione recedit.
 Ni recte is dici in lapidem diffoluiet undam,
 Ac terram putet è ligno concrefcere putri;
 Sed lapides contra recte ex humore creari
 Dicuntur, lignumq; in terram putre refolui.
 Sic cum ex unda aer fit, nequaquam ille creatur
 Ex humore, fed in lympham diffoluitur aer.

Quum uero fit aqua ex anima, non soluitur unde
In naturam aer, ex hoc sed cogitur humor.

Ergo aqua cum fit, eam cōcrescere ab aere certum est.

Atque hunc in lympham minime dissoluiet, ipso

Contra, ubi fit, nequaquam anima ex humore creatur.

Laxando tenuem sed in aera soluitur unda.

Non ullum uero se uertere corpus in unum

Alterum idem dabitur, soluendo itidemq; creando,

Sed quodcumq; aliunde creatur, constat id ipsum

In corpus, dissoluendo non ire creando.

Quod se soluit in alterum, id ipsum rursus ab illo

Concrescens non se soluens prodire fatendum est.

Quapropter nequeunt elementa, nec ulla creari

Mutuo, & hæc eadem se se inter corpora solui.

Quod si elementa ortis reliquis sunt semina prima

Corporibus, nequeuntq; inter se se illa uicissim

Concretu fieri, atque in idem resoluta redire,

Atque omnes concretæ res cunctaq; solutæ

Posteriores ijs sunt, ortus unde creatæ

Duxerunt illæ, atque in quæ rediere solutæ,

Haud dubio apparet, quod supra ostendimus, illud

Esse elementum, ex quo rerum concretio primo

Atque in quod postremum fit resolutio, & ipsum

Concretum non est, nec quod dissoluitur unq̃.

Quare his quæ haud dubia et clara ratione probantur

Perfectis, uia certa patet, qua nosse elementum

Principiumq; datur, quo rerum copia manat.

Nam cum naturæ quæsitis partibus, illud

Compertum fuerit corpus quo cuncta creantur

Ex primo, & quod in extremum omnia dissoluuntur,

Hoc clementum esse, & cunctis hinc semina duci,
 Corporibus certo liquet, & res indicat ipsa.
 Ergo creandi quod præstat primordia corpus
 Et dissoluendi finem uideamus, ut illud
 Principium exortis detur genitabile rebus.

Id uero hac in re ualde est dubitabile, an ignis
 Cuius materia apparet tenuissima, primis
 Sit ne ex corporibus, prima est ut quatuor inter
 Corpora decretum, quando concreta per ipsum
 Ignem præcipue dissolui corpora certum est.
 Atque id magnopere est mirum, posuere quod ignem
 Corporibus primis ex illis quatuor unum;
 Quod minime liquet an natura est præditus ignis
 Corporea; ac magis est illud dubitabile num sit
 Corpus, quàm primis unum si ex quatuor illis.
 Quare est noscendum in primis, corpus ne sit ipse
 Ignis ut & tellus undaq; & liquidus aer.
 Ac talis prorsus natura est corporis, insint
 Vt species illi quæuis, hærendoq; se illic
 Contineant & sit speciei subdita prorsus
 Materies cuius, corpus quam sumpsit id ipsum.
 Porro quicquid inest natura corpori, & illi
 Insidet, haud corpus species sed corporis hoc est,
 Corporeamq; esse speciem haud pote corpus eandem.
 Ac noua naturæ cum forma accesserit ipsi
 Corpori, ab hoc prior euanescat forma necesse est;
 Nec ratione queunt ulla subiecta in eadem
 Materia incolumes distinctæ existere formæ
 Rerum, quis uariis naturæ contigit ortus.
 Sæpe autem incertis penetralem cernimus ignem

Corporibus, rutilo quoties ardere calore
Contingit ualidas quercus, ferriq; metalla,
Et salices duros, nanq; hæc cum feruidus ardor
Afficit, & ualido ignescunt correpta uapore
Sunt eadem nec ab igne prior sublata recedit
Forma illis, ac non ignis sed ea ignea fiunt;
Atque ignis non ut naturæ propria forma,
Certa sed ut species est ipso in corpore inharens,
Dum natura illic alia est quæ in robore tosto
Insidet aut ferro, uel in his quæcumq; colorat
Ardor, & irrepens ignis color aureus ambit.
Non etenim una dari poterit, quod diximus ante,
Materia ut teneat naturas subdita binas.
Ergo cum ipsius talis natura sit ignis,
Vt certo infideat cui sit sua corpora forma,
Quodq; sua consistat ui, liquido patet ignem
Nequaquam corpus speciem sed corporis esse;
Nec constare sua per se ui posse, sed ipsum
Omnino certis harendo in rebus inesse;
Et quoduis propria corpus constare necesse est
Natura, & certa per se consistere forma.

At uero si qui non hunc quem cernimus ignem
Esse id contendant primum genitabile corpus,
Sed procul à nobis alia in regione locatum;
Quam nequeunt sensus mortales cernere, & illum
Ignem elementū purum esse, & super omnia simplex;
Id posse haud ullo certum est contingere pacto,
Quandoquidem certum si usquam esset corpus, idē esse
Nulla alibi posset ratione quod accidit ipsi
Corpori, & à nobis species quod dicitur harens;

Quod minime in rerum natura sit dare quidquam
 Quod certum per se se alibi sit corpus, idemq;
 Sit species alibi subiecto in corpore inharens,
 Quare omnino ignem corpus non esse fatendum est,
 Quod speciem constet subiecti hunc corporis esse.
 Nec pote corporeum est ullis regionibus ignem
 Ardere, & celsi subter noua mœnia mundi
 Hoc elementum esse, ac uana est ea fabula, mentes
 Implicitas longis cæcas ambagibus urgens.
 Nec magis id uera ductum à ratione putandum est,
 Quam cælo aduectum terris, fictoq; dedisse
 Mortali infusam uitæ primordia flammam;
 Tempore quo primum delato ex æthere fertur
 Incaluisse suo tellus defecta uapore;
 Et uasrum aerias ausum conscendere sedes
 Et Phœbi proprius flagrantem accedere curram
 Subduxisse ferunt cœlesti ex arce Prometheum,
 Fomite seruatum arenti, optatumq; tulisse
 Aethereum cassis terreno gentibus ignem.
 Ac dum naturæ rationem quærimus, illud
 Valde aduertendum est, illos quod conuenit inter
 Arcanos sœuere ortus qui exquirere rerum,
 Naturæ ipsius rationem rebus ab illis
 Præcipue duci, sensus quas indicat, hæcq;
 Certa est è sensu ratio quæ redditur ipso.
 Sensus enim sic cuncta trahit, sic cernit aperte,
 Vt facile nequeant ea quemquam fallere quæ sint
 Sensibus exposita, & cunctis hoc cognita pacto.
 Ergo longe illi uera à ratione uagarunt,
 Quis late ex ipsis apparet sensibus, ignem

Nequaquā corpus, speciem sed corporis esse.
Corporeumq; illum, & per se constare putarunt;
Quod sentire illis nusquam nec contigit ulli.
Quapropter certum si esset uis ignea corpus,
Ante oculos cunctis obuersaretur id ipsum;
Præsertim ex primis si esset genitalibus illis
Ac neque semotum à nobis sed sensibus esset
Obiectum, & facile attactu, passimq; pateret,
Tellurem ueluti atque humentem cernimus undam
Corporibus constare suis, ipsumq; liquentem
Aera, non facile quamq; sit uisibilis ille.
At ne quis proprie flammam esse existimet ignem,
Corporea cum sit specie, quod corpora quæuis
Verberat opposita, atque ex his reflectitur illa,
Igni propterea certum contingere corpus,
Ostendemus quo pacto sit corporis ignis
Subiecti forma, quiddamq; quod accidit illi,
Ipsius seu dura ignis, tenuissima seu sit
Materies, qualem aspicimus contingere flammæ.
Et cum crassa quidem sint ignea corpora, quale
Aut lignū, aut ferrū, aut ea sunt quæ diximus horū
De genere, haud dubia constat ratione probari
Certi quin habeat naturam corporis illa
Ignea materies, ut ligni aut aris, et ipsum
Illius speciem certi fore corporis ignem;
At cum materia est ipsius tenuior ignis,
Hoc est candenti rutilans è corpore flamma,
Ipse etiam est species cuiusdam corporis ardor,
Idq; ipsum constat genitali ex aere corpus.
Quo tamen id fiat pacto tibi nosce licebit



SCIPIONIS CAPICII LIB. II.

Cum flammam aspicias orientem, utq; excita surgat,
 Et tremulum ardenti splendorem ducat ab igne;
 Nam cum materiam quamuis ita corripit ardor
 Igneus, ut flammæ candentes excitet undas,
 Illam dum penetrans ignis depascit, id ipsum
 Ardendo in tenuem dissoluitur aera corpus,
 In uentosq; abit, & teneris coniungitur auris;
 Is uero ardenti fulgens qui è corpore prodit
 Spiritus, ut primum aeris exhalatur in oras
 Igneus, & tremulo rutilans est flamma nitore,
 Mox anima à reliqua circum quæ effunditur, ille
 Exceptus, calidam quæ inerat uim deserit, & se
 Frigerat, in mollesq; auras flamma ipsa recedit,
 Et color undantis remanet fumi, aera donec
 In purum uapor, & nitidas dissoluitur auras.
 Sæpe etiam haud flammæ specie tenuissimus aer
 Ipse sed ardenti fumus de corpore prodit,
 Quum minus arescunt quæ feruidus ardor adurit;
 Aereq; è tenui constat qui emittitur ipso
 Halitus ardenti de corpore, seu color ater
 Sit caligantis fumi seu flamma coruscans.
 Quapropter corpus per se non esse fatendum est,
 Sed speciem certam subiecti corporis ignem.
 Atque ea materies, cui ut diximus accidit ardor,
 Corporis est certi semper, seu crassior hæc sit
 Ut lignum ac lapides ac uis durissima ferri,
 Aut leuïs, in flammam ut surgens spiritus, ardens
 Quem calor exhalat tennesq; resoluit in auras.
 Il quoq; qui uacui nascuntur in aeris oris,
 Inq; illa apparent ignes regione micantes,

Post modo quo fiant pacto ostendemus, & apte
Dicemus, quæ uis, & quæ natura sit illis.
Materies tamen omnino est his spiritus, acris
Ut flammæ, puroq; accenso ex aere constant.
Ut cum flammanti contingit lumine cælum
Ardere, ac facibus subito fulgere coortis,
Accendiq; cauas nubes, ductaq; repente
Fulminea aeris auras splendescere rima.
Aut cum terribili ui candens fulminis æther
Emitte tremulo flammis fulgore coruscas;
Vnde homines tacti pereunt, armenta; passim
Exanimantur, eoq; ruit cum murmure, ut ipsas
Conquasset turres, auellat tigna, domosq;
Disturbet, ualidoq; altis petat impete sylvas,
Nec duræ obsistunt quercus, innoxia tantum
Virginea ingenti seruat laurus ab iclu.
Ergo ardet rutilisq; nitefcit ab ignibus aer,
Igniuomaq; micant accensæ lampade nubes,
Et passim uolucres uoluuntur in æthere flammæ.
Quapropter quoniam manifeste ostendimus ignem
Corpore nequaquam constare, undasq; liquentes
Et grauidâ tellurem haud esse elementa, uidendū est,
An ne unum sit rerum elementum, idq; unicus aer,
Illeq; corporibus cunctis genitalis origo.
Quando præterea corpus non cernimus ullum
Principium dare gignendi, sed corpora ab illo
Produci, & reliquis hinc esse exordia rebus.
Ergo aer per se si tale est corpus, ut ullum
In corpus se se aliud non soluat, & ipse
Nunquam concrefcens quouis ex corpore fiat,

Sed soluendo ; liquet non unq̄ posse creari
 Aera nec solui ; atque ideo quæ cuncta creantur
 Inq; aliud se se dissoluunt corpora, ab illo
 Principio fieri, rerumq; hunc esse elementum.
 Sed dubio procul & manifesta in luce uidemus
 Corpora dum quæuis soluuntur, in aera uerti
 Hæc eadem, corpusq; dari non amplius ullum
 In quod se se aer idem dissoluit, in ipso
 Sed dissoluendi extremo contingere finem.
 Nullo autem pacto solui magis omnia certum est
 Corpora, quam rapida ui ignis tenuiq; calore .
 Idq; uides latera undantis cum lambit aheni
 Ignis edax, ut lymphæ acri penetrante calore
 Commota, in teneras feruendo soluitur auras,
 Nec spatium angusto capiens se se amplius, alte
 Permissas uoluit bullis crepitantibus undas;
 Quodq; illi à calida sensim ui demittitur, udo
 Cum fumo in tenuem uolitans se se aera soluit.
 Ipse etiam pater oceanus qui amplectitur amplam
 Tellurem & late in uastum diffunditur aquor,
 Quod gremio innumeros fontes, & flumina tellus
 Quot parit immenso capit, haudquaq; additur illi
 Humoris quicquam, nec aquæ fit copia maior,
 Sed dum flammifero ferit ipsum lumine Phæbus,
 Verberibusq; quatit radiorum, uritq; coruscis
 Ignibus, exsiccat rapido soluitq; calore
 Lympharum quidquid salsas maris influit undas,
 Aeraq; in purum, & liquidas id uertit in auras .
 Sic etiam ingentem statuit cum euertere syluam
 Agricola, ut possit curuo proscindere aratro,

Atque apta uberibus noua reddere frugibus arua,
Hanc ualida cedit primum sternitq; securi,
Inde ardens rapido flagrat cum Sirius æstu
Fragminibus rutilum congestis subiicit ignem,
Qui tenues primum frondes, atque arida pascens
Virgulta, in ramos elapsus robora dura
Corripit, arboreamq; struem populatur, & omnem
Inuoluens flammis sylvam, furit undiq; cælo
Candentes undas mista caligine tollens;
Isq; ubi desauit late, uictorq; per imas
Irrepit quercus, iamq; acri pabula defunt
Ardori, & minuunt paulatim incendia uires,
Materies ingens, magnæq; cadauera syluæ,
In cineres partim uentis agitata recedunt.
Inq; animam reliquas, et uolucres soluuntur in auras.
Non ne uides etiam si forte incautus arator
Condidit, aut madidas paleas aut humida prata,
Pabula defessis hiberno in tempore bobus
Quo parèt, incaluitq; humor, penitusq; repostis
Fit mucor stipulis, tetrum qui exhalat odorem,
Extrahat ut magnis putrem fœnilibus ille
Congeriem, latum in campum, flammaq; uoraci
Corripiat, circum incipiens quæ lambere sensim
Irrepat, penetratq; intra, atque incendia late
Dissipat, inq; leues uentis glomerantibus auras
Intima depascens cum fumo uoluitur atro,
Quiq; erat è paleis modo mons absumptus ab igne
Quantum non cinis exiguus fit, se æra soluit
In uacuum, & leuibus miscetur spiritus auris.
Nec non & puluis flammis uelocibus efca

Sulphureus rapidos quo nil uiolentius ignes
 Concipit et longe mista caligine differt,
 Tormento immisus flammaq; arreptus, in atram
 Soluitur aeriam nebulam, spatioq; receptus
 Angusto in tantum conuertitur aeris, ut se
 Impete cum uasto late diffundat in auras,
 Ac solida igniuomo pila ferrea clausa colubro,
 Vis animæ erumpens illam cum ferrea torquet,
 Ocyor & uentis rapidis, & fulmine fertur,
 Vnde alta nubes, & liquidus intonat ather,
 Et grauis horribili quatitur terra ipsa tremore;
 Quin etiam ualido sternuntur mœnia ab ictu
 Sublimesq; ruunt uastis cum turribus arces.
 Quod sæpe antehac, & licuit nunc cernere magnus
 Cum pia bella mouens, & iusta accensus ad arma
 Carolus undisonum constrauit nauibus æquor,
 Et geminæ hesperiaë collecto flore suisq;
 Germanis Lybiæ uenit sitientis ad oras,
 Prædonumq; ducem immanem qui è sedibus Afrum
 Expulerat regem patrijs, sceptroq; potitus
 Per populos late uictor regnabat, & urbes,
 Et Turcas socios Tuneti compulit intra
 Mœnia se clausis trepidos defendere portis.
 Hic liquido patuit, claustro resolutus ahenò
 Spiritus erumpens quanto furit impete, & in quod
 Se se ingens quali uertit cum turbine corpus,
 Cum turrita arcis moles quæ ingentia circum
 Stagna refusa mari pelagusq; attollitur ipsum,
 Aggeribus ualidis uallata, atque ardua latis
 Mœnibus, antiquæ urbis propugnacula magnæ

Terrificos passa est ictus quos aenea monstra
Fuderunt, celsas quatientes murmure nubes ;
Emissi uisa est uis ingens aeris illa
Fulmineas deferre pilas, atque omnia late
Proruere, & solidas ualide prosternere turres,
Multa uirum subdens decussis corpora muris .
Ipse uidebatur uiolentis ignibus aer
Ardere, & crassa impleri caligine cælum .
Arx crebro icta ruit, passimq; impulsæ fatiscunt
Maenia, præruptasq; implent labentia fossas.
Infima quassatur tellus, tonat arduus æther,
Africa terribili tremit horrida terra tumultu;
Vi tanta erumpit clausus dum soluitur aer.
Magnopere hic ingens potuit uis aeris illa,
Et uis dura uirum per aperta pericula cæco
Pectore, & intrepide per funera certa ruentum.
Præcipue tamen enituit memoranda parentis
Aetherei pietas, dextro qui lumine gentem
Asspexit, fovitq; piam dum ad prælia uires
Addidit, atque animos sceleratum accendit in hostem,
Oppressus ualida qui inuictæ robore turmæ,
Deficiensq; animis, dat laxis turpia habentis
Terga fugæ, nec iam se pugnae credidit ultra ;
Innumeroq; licet stipatus milite, uires
Expertus ualidas, & nescia pectora uinci
Per deserta pauens, & siccas fugit arenas.
Ast urbem ingressus ducens uictricia Caesar
Agmina fœdis fragi fera pectora contudit hostis ;
Et patriæ eiectum regem solioq; reponens,
Extremosq; suum peruulgans nomen ad Afros,

Reddidit imperio Paxnorum regna latino.
Sed longe incepto diuertimus, inclyta magni
Cæsaris, hesperijq; iuuat dum facta referre
Militis, & tanti successum extollere belli;
Dumq; ex accensi ui ingenti ostendimus atri
Pulueris, in tenuem ut se se aera corpora soluant;
Id uero haud dubia constat ratione, patetq;
Ad sensum, & liquido manifesta in luce probatur.

Quod superest, anima ostendemus corpora eadem
Produci, atque ipsum rebus solum esse creandis
Aera principium cunctis certumq; elementum.
Hanc uero hoc poteris rationem noscere pacto;
Res inter genitas, certum est existere primas
Vndam, ac terram; quas etiam, quod cætera gigni
Corpora cernebant ex his, elementa putarunt.
Et tamen ex anima manifestum est illa creari;
Namq; liquens ipso concreuit ab aere lympa;
Hæc etenim cum se densando colligit, humens
In corpus coit, atque in stillas cogitur udas;
Tum liquidis passim conuexi ex ætheris oris
Labuntur teretes depressæ pondere guttæ
Ad terram; pluuiosq; madescunt omnia rore,
Concretoq; ferax perfunditur aere tellus.
Atque ipsum aspiciamus post cælum sæpe serenum
Aera turbari subito, totumq; coortis
Nubibus obsundi, atque imbres effundere largos,
Quis perfusa madet tellus, siccæq; liquenti
Aethere delapsam per uenas concipit undam.
Præterea stillas setis quæ è mollibus ora
Ad bonis exiguæ pendent, ex aere constat

Concreto

Concreto gigni boue qui spiratur ab ipso,
 Dum coit in guttas flatus, lymphamq; fluentem ;
 Praesertim riget hiberno cum frigore caelum .
 Ergo ex his constat, concretus ut ipse liquorem
 Spiritus in fluidum, atque in spissas uertitur undas .

Quod uero ostensum est in lymphâ, cernitur ipsa
 In tellure etiam, & si non tam saepe coaëto
 Ut crassum corpus genitali ex aere fiat ,
 Cum lapsa è caelo guttis pluit illa cruentis,
 Concretiq; rubet per campum sanguinis instar ;
 Hinc pauor ille rudis uulgi crudelia adesse
 Fata rati, exitiumq; illinc mortalibus ingens
 Portendi, attoniti quod non contingere crebro
 Id uideant, & mira pauent, humiliq; frequentes
 Cum prece solemnes adeunt, & uocibus aras ;
 Prodigiumq; atrox credunt, lacrymisq; piandum .
 Quare anima è tenui terram concreescere certum est ;
 Quapropter quoniâ humes lymphâ atque arida tellus
 Quæ reliquis liquido patet esse priora creatis
 Corporibus tenero concretæ ex aere fiunt,
 Haud dubie constat, rebus certum esse creandis
 Aera principium reliquis unumq; elementum
 Corpora quo è primo genitalia cuncta creentur .

Sed iam de caeli natura nobilis illa
 Ardua; & late per magnas dissita gentes
 Quæstio tractanda est, eiusdem an corpus id ipsum
 Sit naturæ, atque id genitis quod diximus unum
 Principium fore corporibus rerumq; elementum,
 An ne sit ex anima caelum , ex illoq; creatum
 Principio, an constet per se, ingenitum inq; creatum .



Sit prorsus, nullisq; unq̄ mutabile seclis .
 Naturæ ipsius penetramus ad intima, summis
 Perquisita diu ingenijs, auideq; petita .
 Tu mihi tu cœliq; parens terræq; repertor
 Tantum opus, & prima da certa ab origine mundū
 Pandere ; tu vires tribuens ingentibus ausis ,
 Ignarumq; viæ tua per uestigia ducens ,
 Discute mortales tenebras, & pandere uera
 Da rationis iter, radijsq; offunde supremi
 Numinis, unde rudi spiretur flatus auenæ .

Antiqua & longis uulgata est undiq; seclis .
 Corpore de cœli ratio , cunctisq; recepta
 Quorum animos sophiæ perdulcis perculit ardor,
 Quod sit natura constans minimeq; caducum,
 Et quod non ullo ualeat mutarier æuo ;
 Corrumpatur enim prorsum intereatq; necesse est .
 Quicquid mutatur, nec statu constat eodem .
 Ast id quod nunq̄ afficitur, sed par sibi durat,
 Et semper simile est, non uī corrumpitur ulla,
 Sed persistit idem, atque omne immortale per æuum .
 Per longā est uero obseruatum secula, sicq;
 Res habet omnino, spatijs ut semper eisdem
 Moleq; sol fuerit rutilans, & candida Phœbe,
 Et reliqua immenso radiant quæ lumina mundo ;
 Tempore nec quicq̄ accessisse his corporis ullo
 Detractumue aliquid cunctis tum prorsus eandem
 Luminibus speciem & primum mansisse tenorem ;
 Atque id tum cuncti affirmant, tum sidera nusq̄
 Immutata aliquo compertum traditur æuo ;
 Quare ex perpetua qua corpora semper eadem



Mensura ac specie ut certum est cœlestia constant;
 Deceperunt naturam his non mutarier unq;
 Præterea è motu rationes sumere quidam
 Cœlesti atque aliàs tentarunt tradere causas;
 Quis liqueat cœlum esse aliud differreq; rebus
 A' reliquis longe, & quod non mutetur, idemq;
 Permaneat semper, cunctis præstantius unum
 Quis tenor haud certus nec status contigit idem.
 Maxime enim cum sit perfectus motus in orbem
 Quod sic cunq; agitur natura corpus, id ipsum
 Corporibus dicunt reliquis præstare, feruntur
 Quæ recto per se motu sursumue deorsumue;
 Atque ipsum circumduci uoluiq; suapte
 Natura cœlum, diuerso cætera motu
 Corpora sustolli leuitate aut pondere labi,
 Cum tamen hæc uni nequeant contingere cœlo,
 Quod minime sursum recta ferriue deorsum
 Sed suo agi tantum motu contingat in orbem.
 Proptereaq; ipsum propria constare, aliaq;
 A' reliquis fore natura, differreq; longe
 Corporibus, uarie quæ obitu mutantur & ortu.
 Præterea nunq; cœlum corrumpier ipsum
 Posse, creatumue haudquaq; genitumue fuisse,
 Quod rebus reliqua ex aduersis omnia constet
 Corpora produci, atque eadem in contraria solui:
 Cœlestis uero naturam hanc corporis esse
 Non ullum ut corpus queat aduersarier illi
 E quo uel primos ipsum deduxerit ortus,
 Vel quod in extremum possit tandem ire solutum,
 Quod natura inter se se contraria quæuis

Motibus aduersis omnino corpora agantur,
 Altera dum tendunt in præceps, altera surgunt;
 Cœlesti autem cui proprium est ut agatur in orbem
 Motui sit minime motus contrarius alter,
 In rectis ueluti contingit motibus, ut sit
 In præceps motus surgenti aduersus, & illi
 Is qui sursum agitur pugnet contraq; feratur,
 Quod detur nequaquã ipsa in uertigine, quæ sit
 Talis ne motus sit ei contrarius ullus.
 Sic itaq; ex motu quo moles illa rotatur
 Corporibus cœlum censent differre, proculq;
 Distare à reliquis mundi quæ ad summa feruntur
 Natura motu recto, aut labuntur ad ima,
 Et quæ mutari passim, & corrupta renasci
 Inq; aliud transire liquet semperq; nouari,
 Proptereaq; esse haudquaquam mutabile cœlum,
 Cui natura insit non unq; obnoxia fini.

Qualia sint ergo hæc uideamus cuncta, priusq;
 De specie est illud constanti ac mole uidendum,
 Quis cœli statuere orbis constare profundi,
 An ne ideo hæc liqueat non immutariet unq;.

His uero in rebus quis non miretur, & alto
 Non putet ac longo oppressos statuisse sopore
 Talia de prima nascentis origine mundi
 Solertes tot patrum animos, errasseq; uera
 A ratione procul, quæuis dum æterna putarunt
 Ex spatio ac forma longo constantibus æuo
 Corpora, nec proprium hæc unq; uariare tenorem;
 Quæ si certâ putent, plura hoc terrestria pacto
 Corpora constarent non ulli subdita labi,

Quæ longum specie ac mensura prorsus eadem.
Inconsumpta manent, hæc sed tamen omnia certū est
Vi quauis correpta sua decedere forma,
Aut ualidis tandem corrumpi uiribus aui.
Nam duri quamq̃ silices frangantur, & aurum
Succumbat ferro rutilans, atque igne liquecat,
Sæpe tamen manet his eadem natura, suoq;
Persistunt longum statu, formaq; per æuum.
Et fragiles conchæ durant quandoq; , proculq;
Vndarum rabie integræ seruantur, & illas
Non etiam crescens circum uis saxea mutat.
Sæpe etiam molli durata coralia cœlo
Et nitidas constat longo post tempore gemmas
Non immutari; & sanguis quem mitigat hirci
Non longinqua modo potis est excedere secla,
Sed ferro haud unq̃ cedit nec uincitur igne
Indomitus uiuaxq; adamas, ac permanet idem.
Sic & naturæ ars imitatrix plurima monstrat
Quæ ualeant longas seclorum uincere metas.
Sæpe etiam tenui ex argilla cernimus urnas
Annorum contra illosas persistere cursus;
Quin & maiorum spiranti è marmore uultus
Et fabre incisos lapides grandesq; columnas,
Pluraq; de genere hæc quandoq; excedere longam
Annorum seriem, nec tempore labier ullo.
Hæc tamen extingui ut quæuis terrestria certum est,
Et ueniente suo solui tantum omnia fine.

Ergo quod forma & spatium cœlestia certo
Corpora constiterint longū haud mutata per æuum,
Non ideo efficitur certo ne tempore solui

Mutariue queant, haud unq̄ subdita leto,
 Quandoquidem sæpe annosis q̄ plurima seclis
 Corpora permaneant eadem, cum hæc lædier ulla
 Vi non contingat, nunq̄ ue affecta nouari.
 Quæ uero immenso torquentur sidera mundo,
 Par fuit ut puro constarent corpore, longum
 Mansuro, & tali quæ essent motuq; locoq;
 Disposita, afficerent ne se subito, atque uicissim
 Confliscarentur, sed longes serius annos
 Durarent eadem, quo perfectissima mundi
 Ipsa diu moles statu duraret eodem.
 Quare quod certo haud mutatur tempore quodam,
 Nequaq̄ certum est id non mutarier unq̄.
 Nam complura quibus prorsum est mutabile corpus
 Nil mutata diu mansura in secula durant.
 Ergo quod spatio obseruarint sidera certo
 Incorrupta diu, & forma persistere eadem,
 Non ideo efficitur, ne sit mutabilis unq̄,
 Et nusq̄ cœli natura obnoxia fini.

Quod superest nunc de motus ratione uidendū est,
 Anne sit immensum minime mutabile cœlum
 Infima mutari quauis ut corpora constat.
 Idq; animaduerti in primis nosciq; necesse est,
 Non eadem cœli corpus ratione rotari
 Cætera qua motu recto surguntue caduntue;
 Quandoquidem rectum non ullis cernimus esse
 Corporibus motum, quæ etiam per se altero aguntur
 Nequaq̄ recto, ut motus in corpore eodem
 Natura prorsus uarios contingat inesse;
 Propterea haud fieri ne cum uertigine rectus

Esse etiam nequeat cœlesti in corpore motus ;
 Vt quoduis recta aut sursum leuitate feratur
 Aut ruat in præceps depressum pondere corpus,
 Et plerisque etiam motus, quod diximus, alter
 Ex vi corporea & forma cuiuslibet insit,
 Cum rectus minime ex forma sit corporis ac vi,
 Sed leuiore idem aut grauiore ex pondere constet,
 Quod subiecta in materia consistere certum est.
 Quare ex vi propria cœlum formaq; rotatur,
 Corpora cum recto contingat cætera motu
 Ipsa ex materia & ducenti pondere ferri.
 Et cœlum præter nonnullis motus in orbem
 Aut alius q̄ rectus inest, natura sua vi
 Quem facit, & proprio subiecto in corpore forma,
 Atque ideo propter motum haud differre putandū est
 Natura cœlum à reliquis quæ tempore tandem
 Mutari liquet, & mortali lege teneri.
 Quod uero præter motum qui ex pondere constat
 Atque ex materia altero item non ulla ferantur
 Ac proprio magis, & formali corpora motu,
 Naturæ propria vi ex multis nosce licebit,
 Omnia quæ dulci musæo intincta liquore
 Pandere suauiloquo complectens carmine pergam.
 Non ne uides, signans ad solem ut ferreus horas
 Cum magnete stylus libratus uertat ad acrem
 Se boream, propria vi illum certa; ferente
 Natura, geminasq; inter transuersus Eoi
 Occiduiq; horas, signo consistat eodem?
 Ille idem in rabido est deprensus æquore nautis
 Dux iter ad tutum, certusq; errantibus index,

Tempestas cum cæca diem, solemq; fugauit ;
 Aut ubi per noctem fulgentia sidera nubes
 Et fidas tenebris abdunt pallentibus arctos,
 Ipse uia regit ignaros, cursumq; per undas
 Dirigit incertas, propria dum semper eodem
 Vi naturæ ætus certâ in regione locatur .
 Idq; etiam in rapidi miro est cognoscere motu
 Fulminis, in supera quoties regione uagatur
 Spiritus ille furens, cœli qui cœrula templa
 Impete percurrrens magno perq; æthera circum
 Versabundus agens uacuis late intonat oris,
 Horrendumq; fremens obtutuq; ocyor ipso ,
 Aera per liquidum uolitans bacchatur, & auras
 Diuidit obstantes, atque obuia nubila tranat ;
 Sæpe etiam ingenti petit idem murmure terras,
 Pertenuiq; licet sit corpore, densa fragore
 Robora terribili, annosasq; à stirpe reuellit
 Et ualido quercus perfringens dissipat ictu ;
 Excelsasq; arces , & summa cacumina tactu
 Disiicit, hucq; ruens atque illuc turbine uasto
 Fertur, & horrifono conuoluit cuncta tumultu ,
 Talis inest illo natura in corpore motus .
 Non ne sua ui etiam, & propria uertigine ferri
 Aspicimus uentos, quoties se se impete miro
 Conglomerant, terrasq; rotanti turbine uerrunt ,
 Idq; etiam fieri cœlo plerunq; sereno
 Ventorum obstrictis reliquis perq; antra sepultis ;
 Ut liqueat tales nulla ratione suapte,
 Sed tantum natura illis contingere motus .
 Porro & legitimis sua uis est insita uentis

Quum uolitant rapidi, laxisq; feruntur habenis
Hac illac, magnoq; inter se praelia miscent
Concursu, & ualido complent cœlum omne tumultu;
Aequora quo uertunt motu atque è fluctibus imis
Eductam undarum tollunt ad sidera molem.
Hinc nemora elapsi in terras ac robora dura
Prosternunt, camposq; minaci murmure complent,
Quaq; ruunt flabris pernicibus omnia turbant;
Atque, illis propriæ naturæ is motus inest ui;
Nam propria est illis regio, in partesq; feruntur
Quisq; suas, notusq; illas has tendit in oras
Africus, hinc austro, boreas hinc perfurit acer,
Atque alij terras eodem salsumq; profundum
Tempore, cœlum alij spatiosaq; nubila perflant;
Naturæ ut pateat propriæ ui quemq; moueri.
Præterea stellæ, noctis quas sæpe per umbram
Tranquillo aspicimus celeres excurrere cœlo,
Longius in girum tendunt, curuoq; feruntur
Flammarum ductu, donec soluantur cundo.
Quod si aliquandiu eodem perdurare tenore
Currendo possent, cœlum circum ire uagantum
Stellarum ritu tales contingeret ignes;
Sed licet in tenues soluant se se ocyus auras,
Quam uolitare diu tamen, & durare meando
Possunt, pars illis rectissima ducitur orbis,
Quare hos ui propria liquet impellente moueri.
Demum quæ cœlo fulgentia crinibus ardent
Sidera flammis, errantium more uagantur,
Ac propriæ immensum circumducuntur olympum
Naturæ ui, atque æthereis spatiantur in oris,

Verum diuerso quo errantia lumina motu,
 Præsertim quod signifero procul orbe feruntur,
 Inque illam declinant partem qua ardua mundi
 Vertitur ætherei sublimi cardine moles.

Ergo ferunt rutuli errantum se more cometa,
 Sed proprio ac uario quæ illorum singula motu.

Quapropter multis quoniam ratione probatum est
 Corporibus natura alium contingere motum
 Cum recto qui ex materia ac pondere constat,
 Atque ille alter non nullis est motus in orbem;
 Nequaquæ efficitur, cœlesti ut corpori inesse
 Is tantum possit qui fit uertigine motus,
 Sed liquido constat motum hunc uertiginis esse
 Vi propria, eque sua cœlesti in corpore forma,
 Cætera ut ex motu præter rectum altero agantur;
 Nec pote perpetuo rectum contingere cœlo
 Motum ex materia atque ex pondere, ut omnibus illum
 Corporibus certum est reliquis genitalibus esse.
 Quapropter rebus nil motum propter ab imis
 Natura cœli corpus differre putandum est;
 Atque ideo esse creatum cœlum itidemque caducum,
 Atque illi esse ortum reliquis qui est omnibus unus,
 Principiumque illud quod diximus esse elementum.
 Iam uero id falsum est, positum in ratione quod ipsa
 Est motus, cuncta ex aduersis corpora rebus
 In lucem gigni, atque eadem in contraria solui.
 Illud item, quiuis quod sic uertigine motus
 Fiat, ut huic alius non sit contrarius ullus,
 Nam late ostensum est undas atque æra primis
 Corpora nequaquæ aduersa ex affectibus esse,

Frigida quod prorsus natura atque humida utrisq; est
Et tamen è tenui manifestum est aere lympham
Produci, atque in eundem illam transire solutam ;
Ac etiam in girum motu contraria cuiq;
Vertigo est alia occurrens, contingit in ipsis
Motibus ut rectis cuiq; aduersetur ut alter
Qui se illi opponit signoq; occurrit eodem ;
Sunt etenim aduersi quos sic occurrere motus
Euenit inter se, quod pugnent mutuo, & alter
Se occursum alterius sistat, nec liber uterq;
Fiat, & una ullo nequeant persistere pacto.
Ergo non uera patuit ratione probari,
Materia non esse eadem primordia cælo,
Corporibus reliquis ut contigit omnibus esse.
Clausula igitur referenda uia est, inq; arcta latentis
Naturæ penitus subeundum claustra, nouisq;
Pandenda ipsius cæli est natura repertis,
Idq; ego dulciloquis exponens uersibus edam.

Qui cæli corpus nullo immutariet æuo,
Aeternumq; & eodem perdurare tenore
Crediderunt ; huius spatia immensasq; cauernas
In plures diuisere orbes, qui ordine se se
Contigui ambirent, circum per mutua ducti ;
Nam uaga si per se, proprios nec tracta per orbes
Sidera ferrentur, uehemens contingeret ipsis
Singula inequali uarians mutatio gressu,
Semper nunc motu intenso, nunc uecta remisso,
Cursus enim nunq; est ipsis æquabilis astris,
Sed semper celeri incedunt tardoue meatu ;
At uero cæli moles si immensa profundi,

Complures illos non esset scissa per orbes,
 Sidera quæ proprio ducuntur singula motu,
 Per coelum incessu se agerent conuersa suopte,
 Atque ipsum quauis esset penetrabile mundi
 Corpus, & huic tenor haud unquam persisteret idem.
 Quapropter ne quis forte tranabile coelum
 Crederet, hacq; iter astris incedentibus esse
 Proptereaq; solubile corpus, peruium inane
 Materiaq; ipsum penitus constare caduca;
 Constituere suis affixa uaga orbibus astra,
 Qui se perpetuis ducentes motibus isdem
 Fixa sibi ueherent per magnum lumina mundum,
 Vt sic afficier nunquam coeleste daretur
 Corpus eo se se pacto uoluentibus astris.
 Ergo ut inaequalis motus, quo sidera duci
 Cernimus, ipsorum auferretur ab orbibus, illos
 Finxerunt tales, ut motu semper eodem
 Se se agerent cum ipsa ut certum est palantia coelum
 Nunc celeri ambirent nunc tardo lumina gressu.
 Porro ipsos orbes tales statuere, quibusdam
 Vt medium haud sit idem. cum mundi mole, alijsq;
 Impar sit spatium ambitus, atque hinc crassior orbis
 Illinc tenuior, ast alijs sint corpore parui
 Præ reliquis se uoluentes intraq; locati
 Id spatium quo extenditur ambitus orbium ab imo
 Mundi declinantum, insint quis singula paruis
 Sidera quos graio dicunt sermone epicyclos.
 Hoc uero positu qui constituere tot orbes
 Tam uane, ex hoc cursus decreuere uagantum
 Siderum inaequales constanti posse rotatu

Orbium agi, certumq; illos seruare tenorem .
Quapropter positis tam multis orbibus, illa
Prorsus inest ratio, quæq; ut mutatio ab ipso
Tollatur cælo, constansq; id duret idemq; .

Sed nunc quod superest certa ratione probari
Res peteret, positos nequaquam posse per orbes
Tolli ne cæli corpus mutetur, & astris
Tales esse uagis motus, ut si orbibus illa
Ferrentur, naturæ ijdem mutabilis essent ,
Atque ita mutari cælum, positosq; liqueret
Ipsos nequicquam spatijs cœlestibus orbes,
Vel si mutari corpus cœleste daretur .
Præterea motu ex ipso cursuq; patere
Sidera nequaquam ferri uaga posse per orbes .
Demum sic esse omnino mutabile cælum ,
Vt non mutari id tantum, sed corpore in illo
Sæpe creari contingat quædam interimq; .

Sed dum signorum incessus motusq; uagantum
Me iuuat, & miros naturæ soluere nodos,
Longe alios cursus alios mea perficit orbes
Mens agitata malis, acriq; exercita cura,
Cura, has æternis quæsitæ uatibus olim
Quæ me tentantem naturæ accedere partes
Ad tristes uertit gemitus durosq; dolores
Heu misero nimium at frustra sirenis amata,
Quæ nunc de patrijs demisso lumine portis
Incisum cari nequicquam nomen alumni
Desertasq; pijs spectat cultoribus ædes ;
Conspicuas ædes, molli quas aurea dextra
Extruxit, nemorumq; uenus discrimine cinxit ;

Illas non meritis fulgens duroq; labore
 Aucta meo prisca defendit gloria gentis,
 Quin caput in miserum vastis surgentibus undis,
 Fortunaq; minis dirisq; ultricibus acta
 Longe alio mutanda mihi sub sidere tellus,
 Et dulces essent ignota sede penates.
 Scilicet insignis pietas largusq; meorum
 Effusus toties dilecta ob mœnia sanguis
 Et pugnata illis magno pro Casare bella
 Id meruere, omni nec me contage soluta
 Textit, & egregias tot uita excultra per artes.

Felices nimium & fatis melioribus orti,
 Mens sua quis satis est fluxæ non indiga laudis,
 Et scelerum immunis nulliq; obnoxia culpæ
 Est alma tantum diues rationis, opesq;
 Quas bona fert nullo genitrix natura labore,
 Ingentes credit uitæ fugientis ad usum.
 Nee terit angustas cui irremeabilis horas
 Dum tenui capitur fallacis flamine uulgi.
 Ante tamen felix cunctos qui noscere morem
 Fortunæ, & uires potuit contemnere leti;
 Ac solidos nunq; peritura laudis honores
 Et ueræ aspirat mansura ad gaudia uitæ.
 Anxia non illum spes insaniq; dolores,
 Sollicitusq; metus urgent aut gaudia uana.
 At strepitum uulgi, cœtusq; exosus inanes,
 Densa petit nemorum, siluisq; exquirat opacis
 Sponte sua è ramis struētas frondentibus ades,
 Commodaq; in specubus molliue cubilia prato.
 Non illit facilem genitrix uberrima uictum;

Terra negat duro teneros è stipite foetus,
Pubentiq; bonas thalo, & radicibus herbas,
Et nativa cauo stillantia pocula saxo ;
Interdumq; illi socios si iunxerit idem
Sanctus amor, dubios pariter qui spernere casus
Atque operam assuescant uitæ mortalis inertem,
In terris ueræ alterius iam gaudia uitæ
Præripient, ueri spectabunt lumina solis ,
Aethereasq; inter curas sanctumq; laborem
Subducent alacres terrenæ pectora labi.
Illos non rigidi fasces ira; tyranni
Externisq; inhians opibus uis barbara lædet ,
Bellorumq; faces, emptaue in pace rapinæ,
Nec ius forte datum poterit pretione repensum
Inuictos animos & libera frangere corda .
Hæc se mortales dubijs extollere rebus
Et docuit uarios contemnere uita labores ;
Hæc tot deniclis felicia pectora terris
Euexit cælo, & fulgentibus intulit asiris ;
Hanc magni coluere patres cum dirus habendi
Nondum tartareis amor euassisset ab oris ,
Quò pius æterni moriens rex conditor æui
Impulerat, cæcisq; illum demerserat umbris.
Hanc mihi tu cæliq; parens terra; repertor
Viuerè, dum fessos animi uis roborat artus ,
Da pater, & crebra quæ illam caligine condit
Aethereosq; hebetat sensus, hanc eripe nubem .
Tum uitæ unanimem socium comitemq; laborum
Fascitelum, irati rapuit quem numinis ira ,
Redde meum . nil triste illo durumq; recepto .

Ipse tuam cœlo demissam uirginis aluo
Progeniem, canet ille duces, magniq; triumphos
Aualidæ, qui nunc uires orientis, & acrem
Impia compressit reparantem prælia Gallum .
Sed maris ignoti latum sulcauimus æquor ,
Et protensa diu per uastos carbasa fluctus
Iam malo adiungi poscunt, portuq; carina .

F I N I S .

SCIPIONIS CAPICII DE VATE

MAXIMO

LIBRI III.

A N T O N I I T H I B A L D A E I . 2

Quum nequeam ipse tuo munus par reddere, grates
Et super hoc nostrum accipe iudicium ?
Maximus ille tuus uates: tu Scipio, uates
Maximus: haud alio is uate canendus erat.

E Gregium iuuenem, terris qui numine missus
Diuino, æterni patefecit luminis ortum,
Surgentisq; cano ueræ primordia lucis.

Felix, conueniant operi si carmina tanto,
Inceptum, si par merito sublimibus adsit
Rebus honos, deturq; nouo deducere cantu
Laudes eximias uatis, quem prætulit ipse
Omnibus æthereus iudex mortalibus unum.

Tu mihi, perpetui quo lumina condita cœli,
Infima quo sedit tellus, & mobilis hæret
Collectus telluri humor, quo purior æther
In spatia effundit uasti se ingentia mundi;
Per mare, per tetras, tenuisq; per aeris oras
Omnia qui uitam spiranti numine replet;
Aequæuum patri natum qui fœdere iungis
Aeterno, triplex unum quod numen adorat
Gens pia; qui rudibus sibi quos rex iunxit olympi
In terris comites radijs afflata repente
Ora tuis soluisti, & linguis edita centum
Vox eadem summi ostendit pia iussa parentis,
Et mira attonitæ gentes stupuere locutos,
Sancte ades, ignarumq; tuo da flamine pectus
Perfusus dignos ausis effundere cantus.

Est regio, sacris qua felix labitur undis
Iordanis, cultos agros, & pinguia late

SCIPIONIS CAPICII

Ardua rigans, magno qui ausus contendere ponto
In mare se tumidus uasto bis gurgite pandit ;
Grata Deo tellus, & uatum carmine clara
Aurea qui æterni cecinerunt secula regis,
Quam patriam legit, cum cœlo missus ab alto
In terris uitam, generis miseratus acerbos
Humani casus, uitæ instaurator agebat ,
Septi pomiferis molles ubi collibus horti
Fragranti sudant felicia balsama ligno .

Hic æuū in syluis, atque inter lustra ferarum
Degebat , fluxæ fugiens contagia uitæ,
Materna iuuenis cœlo promissus ab aluo ;
Qui reputans, satis in terris mortalia membra
Indutum; ueræ auctorem latuisse salutis,
Nec procul esse diem tenebras quo mente fugaret
Humana antiquas uerus semperq; nitens sol ,
Assiduus liquidas implebat uocibus auras ,
Diuini ostendens felicia tempora regni .

illum mirati non unq̃ audita canentem
Audiuere colunt amplas qui nobilis urbes
Iudææ, latos findunt qui uomere colles,
Quiq; bibunt Iordanis aquas ; telluris auarus
Frugiferæ domitor, pecudesq; ad pabula læta
Atque amnem oblitus uitreum compellere pastor ,
Molliaq; in nitidis qui ducunt otia tectis;
Et uarias uitam assueti exercere per artes ;
Aetatemq; atrox contentus miles in armis
Conterere impavidam, glacie duratus & æstu ;
Solertisq; animi quotquot diuersa cupido
Impellit uarijs studijs impendere curam;

Maturiq; senes, pueri, uiridisq; iuuentus ;
 Matres, atque nurus, primaq; atate puella ;
 Omnes conueniunt, iungensq; effusa relictis
 Urbibus, ad iuuenem certatim turba ruebat .

Ille autem, ò miseri quæ tanta ignauia mentes
 Corripuit uestras ? cæci quo tenditis ? ò gens
 Ignara, & propriæ tam longum oblita salutis .
 Quid lati in mortem ruitis ? iam debita uestris
 Criminibus uos pœna uocat, supremaq; poscunt
 Exitia, instantisq; urget sors aspera leti .

Nec uestri miseret, quos iam iam maximus atro
 Supplicio uindex, & diro funere perdet .
 Ecquis erit scelerum finis ? uestigia patrum
 Fœda sequi, & prisco iuuat indulgere furori .

O' genus inuisum, quo non dignatus honore est
 Vos opifex rerum, ingratos, & dura gerentes
 Peçlora, & insanis furiarum fluctibus actos ?

Ille tamen nudosq; fouens inopesq; salutis
 Complexus, cœliq; modo non luce carentes
 Extulit, & rerum summa ad fastigia uexit ;
 Et formidatos populis, lateq; potentes

Imperio erexit, gentisq; extendere nomen
 Iussit, qua pelagus telluri obducitur, & qua
 Igneus alternis uariat sol corpora flammis .

Pro quibus ò quoties sanctum rescindere fœdus,
 Vobiscum magni pepigit quod rector olympi,
 Impia gens ausi, atque illas contemnere leges,
 Ille suo tabulis digito quas scripsit, in æuum
 Riteq; seruandas dedit æternumq; colendas .

Quin etiam diuum fingentes numina uana

Mortales facies mutarumq; ora ferarum,
Fecistisq; deos, sacraq; locastis in æde,
Nil memores larga ille dedit q̄ plurima dextra,
Et dira immeritos quoties à morte reduxit.
Hæc brutæ mentes; premeret cum ægyptius olim
Elapsos duro imperio, è miseroq; receptos
Servitio, angustas rubri cecidistis in oras
Littoris, & cursu trepidos hinc hostis agebat,
Hinc pelagi moles clausis obstabat, & omnis
Spes erat effugij spes omnis adempta salutis;
Quam subito insuetis assurgens uiribus Eurus
Naturæ impulsu domini rerumq; parentis,
Dispulit obiectas undas, atque intima uasti
Gurgitis ostendens penitus maris ima retextit;
Perpetui, mirum, fluctus scinduntur, & aquor
Fit uia per medium, geminaq; in rupe profundum
Substitit; inuadit pelagus tunc agmina Moses
Diuino iussu ductans, adigitq; pauentes
Per siccum gradiens, & apertas calcât arenas;
Iamq; fretum emensi terram littusq; tenebant
Aduersum, & tuta se se regione locarant,
Cum modo qui trepidos urgebat perfidus hostis
Diuino ignarus nutu pendere fluentem
Vim pelagi immotam, mutataq; fœdera rerum,
Mentis inops lucisq; carens ac percitus ira,
Qua petiisse fuga innocuos conspexit eadem
Persequitur scissi gradiens per gurgitis aquor;
Iamq; altum ingressi penitus maris ima subibant,
Natiuum cum sensit onus, sedesq; petiuit
Lympha repente suas, trepidantiaq; agmina pressit,

Vndarumq; ruens alto de gurgite moles,
 Et letum una fuit cunctis eademq; sepulchrum.
 Aethereum tantus potuit tenuisse parentem
 Gentis amor uestra, & pietas insignis auorum.
 Ille idem hostili rabie, dominisq; superbis
 Ereptos iterum dextro uos lumine uidit,
 Cum nudas inter cautes, Arabesq; perustos
 Urgeret uesana fames, passimq; cadentum
 Infelix agros macies absumpserat artus;
 Nulla aderat uitæ ratio, certumq; parabant
 Ante oculos misere pallentibus omnia letum.
 Tunc uobis liquido demisit ab aethere rorem,
 Felicem rorem quem sudauere tepentes
 Non tantum aestiuum sub solem molliter aura,
 Deflagrans late exurit cum sirius orbem,
 Et tenuans se se arentes circumfluuus aer
 Destituit terras, & in athera funditur humor,
 Sed quum torpet hyems, nec terra refundit in auras
 Obliqui solis radios, liquidumq; rigenti
 Densatur glacie, & brumali frigore cælum,
 Orbe quaterdeno, dum notum perficit aureus
 Sol iter, & certo percurrit signa meatu,
 Fluxerunt coelo uobis fragrantia mella,
 Nec duro interea terram uertistis aratro,
 Abduclisq; opibus dominorum & diuite gaza
 Ocia per steriles duxistis pinguiæ campos.

Et iam tempus erat quo magni conditor orbis
 Has profugos sedes atque hos induceret agros,
 Promissos uobis agros longumq; colendos,
 Quum populus sacri ad ripam peruenerat amnis.

SCIPIONIS CAPICII

Felicesq; auidi sedes, gremiumq; uidebant
 Opeata telluris, iter sed clauserat undis
 Altior, & late ripis Iordanis abundans,
 Diuinum imperium tunc flumen sensit, & undas
 Compescens rapidas, dictu mirabile, sistit,
 Et uada detecti monstrauit peruia fundi,
 Visus & in nubem quo pacto argenteus altam
 Precipites glomerauit aquas, undisq; retortis
 Vis fluida ingenti erexit se ad sydera mole.
 Ipsa parens stupuit rerum natura, sub auras
 Quid tantum æthereas liquidus se tolleret humor.
 Illi, quæ flumen toto defluxerat alueo,
 Transmittunt lati ripas, campisq; beatis
 Consistunt tandem, & terra potiuntur amata.

Cætera quid memorans rerum miracula narrem?

Hic quibus insignes fama populosq; per omnes
 Vos mundi dedit esse sator, lateq; uerendos;
 Quid referam bello domitos passosq; cruenta
 Excidia, ingentes populos euersaq; regna?
 Totq; triumphatos reges, tot parua trophæa;
 Ipse animos uobis cœli dum sufficit auctor,
 Ingentesq; addit tam multa in prælia uires?
 At uos insanam induti gens impia mentem,
 Artificis toties contempto numine mundi,
 Supplicibus uotis dijs uanis thura dedistis
 Impia, quorum aras ipsi delestis, & ædes,
 Cepistisq; amplas cæsis cultoribus urbes.

Heu rationis egens, & ueri luminis expers,
 Inuisumq; genus superis, obtusaq; corda,
 Et semper surdas auersi uatibus aures.

Nil mouet aut uestri pietas, nil proxima culpa
 Vos poena, aut ueterum exagitant expensa malorum
 Supplicia, æterni terret nil uindictis ira?
 Vipereum semen, patrumq; simillima proles.
 An tumidos stirpis decus, & uos gloria magni
 Reddit aui, patrumq; agitant pia facta priorum?
 Num pater, è nullo eduxit qui semine mundum,
 Has nequit Abrami in sobolem conuertere cautes,
 Neglectumq; genus, populosq; optare relictos?

Ergo animos cœlo, & totas aduertite mentes
 Quo uos ætherei poscunt promissa parentis
 Heu terræ nimium defixi noxia corda.
 Iam tremit admota mox collapsura bipenni
 Arbos, ingentemq; dabit succisa ruinam.
 Eia agite, ambiguas uitæ dum carpitis horas,
 In meliusq; datur mentem ingeniumq; referre,
 Ne illecebræ incautos miseræ, ne obliuia fallant
 Vos recti, & fugiens Euro non segnior atas.
 Et tandem frenate animos, penitusq; malorum
 Poeniteat, mentemq; atris auellite curis;
 Linquite peccati morem, uitamq; priorem
 Pertæsi, impuris abstergite funditus omnem
 Pectoribus labem; summi sat numina regis
 Contempta, & prauis indultum est undiq; uotis.
 Iam lacrimis opus, & fletus effundere largos
 Tempus, & humentes oculos intendere cœlo.
 Mox diuina adcrunt, felicit tempora regni,
 Aeterniq; nitens pandet se luminis ortus,
 Fulgebitq; dies, longos quæ attrita per annos
 Colla iugo, & diro incipiet uos soluere nexu.

SCIPIONIS CAPICII

Auferet & prisca terris contagia culpæ
 Vltin. a quæ tanta sub luce nouabitur ætas.
 Scilicet hæc olim promissa ingentia tandem
 Accipiet, longumq; optato ducere uitam.
 Promerita genti dabitur sub rege beatam.
 Vos igitur, tam lata manent quos tempora, summis
 Viribus eniti par est, ut censeat inter
 Selectos deus in regnum hoc, numerumq; suorum.
 Et scelerum puri, terrenaq; labe piati,
 Tota anima, & totis uenientem admittite uotis.
 Seruatorem hominum summus quem misit ab alto
 Expectata pijs genitor promissa ferentem.

Sic sacer optati uates felicia regis
 Tempora monstrabat populis, distisq; frementes
 Firmabat, uitæ accendens melioris amore
 Iandudum accepta intentas diuina per aures
 Vox cupidos multa spe animos, & corda replebat
 Regem expectantum terris promissa ferentem
 Mansura æternum secunda commoda uita.
 Immitis uelut egregiam si cinxerit urbem,
 Hostis, defensamq; diu ui euertere captam
 Festinet, miseros maneat dira omnia ciues;
 Tum forte insignis fama si nuncius adsit
 Missu expectati ducis, instruclisq; reportet
 Subsidio turmis illum iam iam affore, cuncti
 Circunstant, gratisq; intendunt uocibus aures,
 Et collapsa diu subita spe pectora complent;
 Haud secus optata pandentem proxima regis
 Secula suspiciunt uatem, latiq; frequentant.
 Res mira, eductum in syluis has edere uoces,

Et populum ingentem pendere loquentis ab ore,
 Felices sylvas uox tanti ubi reddita uatis
 Impleuit colles, atque umbriferas coniuales;
 Felicesq; amnis lymphas, quibus abluit ille
 Quos fœdæ docuit sordes deponere uitæ.
 Præcipue felix uatum tu maxime, regi
 Nuncius æthereo materna lectus ab aluo.
 Iam tum ostendisti admirandæ signa iuuentæ
 Afflataq; deo: sancto & me pectus amore
 Perculsum, iuuat insignis cunabula uitæ
 Atque tuas prima reuocare ab origine laudes.
 Augustus late romanis fascibus orbem
 Subdiderat, rerumq; unus retinebat habenas,
 Dum terras coleret ueniens pax candida cœlo
 Squalerentq; situ præduri militis arma;
 Et redisset honos contempto priscus aratro;
 Rex famia Herodes opibusq; & cognitus armis
 Imperio Solymos patriamq; tenebat Idumen;
 Abladas cum forte fuit iustissimus inter
 Electus, sacra qui faceret quæ maximus olim
 Isaides lectos iussit celebrare nepotes;
 Cui fuerat uinclo coniux sociata iugali
 Par uitæ meritis nulliq; obnoxia culpæ.
 Non ulla his fuerat soboles, sterilisq; inuentam
 Altera, & utilius soboli traduxerat æuum;
 Et iam sera illos grauiorq; oppresserat atas,
 Languidaq; exhausto torpebant membra calore,
 Quum uiduam plorans alter tristemq; senectam,
 Fundebat supplex imo de pectore uoces,
 Coelicolum regem tota sic mente precatus,

Ergo corripiet me lux extrema priusquam
 Connubij fructus, & dulcia pignora noscam ?
 Nec nostri te damna thori, nec coniugis unq̃
 Tanget honos, primis quæ in te spem fixit ab annis .
 Tu pater omnipotens postq̃ primordia gentis
 Humanæ dederas, statuisti fœdere sancto,
 Coniugia genus ut cœeat prolemq; propaget ;
 At nos hoc animos nequicquam & corpora uinclo
 Iunximus, & tantum gestamus nomen inane .
 Nostra tamen cedant diuinis commoda iussis ,
 Et maneat rata quæ fuerit tua cumq; uoluntas .
 His senior cœlo figebat lumina dictis,
 Concipiens prolis præsaga gaudia mente ;
 Quum pater æthereus nunquam uota irrita passus
 Ire pia, & dextro sse fulcros lumine cernens,
 Supplicibus clemens admouit uocibus aures .
 Ille autem de more sacri penetralia templi
 Ingressus pia thura dabat, lata atria circum
 Turba preces patri æthereo dum funderet omnis ;
 Quum subito halanti cœlestis nuncius aræ
 Astitit, & dextra præsentî in lumine fulsit ,
 Humana soliti specie qua sæpe uideri
 Cœlicola, quum iussa ferunt cœlestia terris .
 Obriguere senis subita formidine membra ,
 Sydeream ut faciem radijs fulgere coruscis
 Vidit, & ætherias fundentia lumina flammæ,
 Cui iuuenis, mentem reuoca, gelidumq; timorem
 Pone pater, tua diuinæ uox contigit aures ;
 Concipiet tandem coniux sanctissima, uobis
 Quod fuit in uotis & supplex sæpe petisti :

Quæ postq̃ implerit felicitis tempora partus,
Nascetur puer egregius ; quem lata ferentem
Secula uoce hilari excipient plausuq; secundo ,
Et cœlo magni tollent cunabula uatis,
Grataq; fundentes plenis munuscula dextris,
Omnia fausta illi dicent, atque omnia lata .
Hic, tibi qui uacua tristi cum coniuge in æde
Sæpe doles, sterilisq; incusas damna senectæ,
Gaudia quanta dabit, qualis felicia uota
Successus tanto uobis implebit in ortu .
Hunc, postq̃ de more aberit lux septima partus,
NOMINE IOANNEM dices, non ulla tulerunt
Secula cui similem, ueniens nec uiderit atas .
Magnus erit, poterit quem uix humana probare
Vox satis, atque sua sat digne extollere laude .
Tessis erit meritis summo mens nata parente
Humani uindex generis cui terra fretumq;
Seruit, & immensi subdunt se lumina mundi .
Felix qui ex hominum supremi iudicis ore
Accipiet uitæ eximios insignis honores .
Non ille athereos tardantia pocula sensus
S tulta coloratis bibet uuæ expressa racemis,
Contentusq; sitim pura restringere lympha,
Non ullo sacris auellet tempore curis
Cœlestem nullo pollutam crimine mentem .
Hauriet & cœli nec dum spirabilis auras,
Caca rudimenta, & tenuis dum munera uitæ
Materno ex utero captat, cum pectore toto
Concipiet sanctos diuini flaminis ignes .
Qui postq̃ in lucem ueniet, sanctaq; iuuenta

In tacitis teneros syluis firmauerit annos,
Os populis sacrum soluet, patrumq; priorum
Oblitos longum natos pia iussa docebit.
Multorumq; animos labes quos polluit atra,
Iustitia aptabit rectiq; ad frena uolentes.
Sic magnus nondum ardenti trans aera curru
Aduetus uates meliores tesbius oras
Insanasq; tribus infandaq; crimina regum
Damnabat sancto fulctus pia corda uigore.
Hunc eadem accendet pietas, & spiritus idem.
Hic & supremo regi qui sanguine culpam
Humani antiquam generis letoq; piabit,
Præmissus, tanta mortales lucis ad ortum
Conuertet, dignos reddens quos ille beatas
Dignetur sedes, numerumq; inferre piorum.

Dixerat, ille oculos diuina loquentis ad ora
Defixos mira perfusus luce tenebat,
Euentura minus reputans cœlestia dicta
Quo promissa magis uoluebat gaudia mente.
Rettulit hæc tandem, caræ si coniugis annos
Si numerem ipse meos, ambobus serior ætas
Et leto propior dulcis spem prolis ademit.
Fluxerunt gelido nobis de corpore uires;
Defectusq; suo sanguis coisse uigore
In factum nequit, & teneros formariæ artus.
At tu magna fide haud dubia dà dicta probari,
Gaudia ne uiolet sperantum incerta cupido.
Ille autem, pater omnipotens quem robore fulsit
Diuino, è cœlo cernis mandata ferentem,
Implentemq; tuas latis me uocibus aures;

Has mihi quod dubias præbes, prolemq; futuram
 Et diuina petis signo promissa probari,
 Signa dabo, & ne impune usq; non uera loquutus
 Aethere demissus uidear; tibi signa negatus
 Vocis erit linguæq; usus, mea tempore dicta
 Euentura suo donec non uana probentur.

Hæc ait, & subito fulgentia lumina condens,
 Et faciem, ætheream, tennes excessit in auras.
 Interea effusæ spatiosa per atria turbæ
 Sacra obseruanti, mirum insuetumq; uideri
 Illum, adytis mora quod solis tam longa teneret.
 Egreditur tandem, & se se expectantibus offert.
 Conantemq; animi motus expromere, liquit
 Nuncia uox mentis linguæq; interpretis usus.
 Diuino agnoscunt afflatum numine pectus,
 Diuinumq; aliquid mortali lumine, in æde
 Conspexisse sacra. Ille licet se iusta uideret
 Supplicia ambigæ meritum persolvere mentis,
 Spe tamen hæc uocis damnum solatur ademptæ,
 Expectans lucem quæ linguæ frena relaxet,
 Atque optata ferat promissi gaudia partus.

Sic ubi telluri gnauius commisit arator
 Semina, tristis hyems glacie dum sæuit, & atrox
 Intima pertentans subit in præcordia frigus,
 Signa tenet messis lætæ, atque horrentia brumæ
 Tempora, spe frugum, & uenturo fœnore pensat.
 Ergo frena lubens linguæ clausumq; sacerdos
 Vocis iter patitur, magnæ præsagia prolis;
At signis nutuq; animi dat cernere motus;
 Nec minus interea fumanti sufficit aræ

Quos pater omnipotens quondam sibi legit odores:
 Et iam diuina, sacris de more peractis,
 Se se ex aede domum tulerat quam sedula coniux
 Membra fouens tepido seruabat casta cubili;
 Quum tandem insueto tardari pondere sensit
 Illa uterum, tacitoq; agitari viscera motu
 Lunaq; iam quinos obliqua peregerat orbes,
 Gaudia quum prolis lato sub corde uolutans,
 Prodiderat toto non ulli hoc tempore, tantum
 Ingenuo rugosa genas suffusa rubore,
 Quod tenerae explebat munus iam effocta puella:
 Saep̄ deum uenerata, pia sic mente profatur,
Grata magis ueniunt coeli tua munera rector
Quo sunt sera magis, decoras iam pignore dulci
Connubium, iam non sterilis, iam munere dicar
 Facta tuo genitrix, toto ut tibi pectore grates
 Haud equidem dignas persoluam at uiribus aquas.

Caeperat interea sexto iam mense uideri
 Auēlior, inq; dies spatium protendier alui,
 Quum supra insignis cunctas Iesseia uirgo
 Diuino missu coelesti accepit ab ore,
 Virgineum decus, illasq; expertemq; uirilis
 Attactus, mentem summi natumq; parentis
 Se sacro laturam utero, terrisq; daturam.
 Et ne qua possent illi non certa uideri,
Coelestis signo promissa probauerat ales,
 Quod sterilis coniux senis, & maturior æui
 Quam pia cognato tangebatur sanguine uirgo,
 Iret felici grauior iam pondere, sextum
 Sub mensem, & tumida foetus grandesceret aluo,

Fœtus qui lucis uacuas eductus in oras
 Proferret tanti surgentia lumina solis.
Quæ postq̃ accepit uirgo, quamq̃ affore dictis
 Crediderat iam certa fidem cœlestibus omnem,
 Gratatura tamen conceptæ munere prolis
 Visere anum, & uisū statuit data signa probare.

Ergo digreditur campis, collesq; beatos
 Iudææ subit, & caræ contendit ad urbem
 Cognatæ, ac tēlis tandem succedit amicis.
 Illa ut tendentem gressus ad limina uidit,
 Occurrit gaudens uenienti, alacrisq; tetendit
 Brachia in amplexus; prior officiosa sereno
 Virgo ore, & lata longæuam uoce salutat.
 Protinus, ò rerum suprema potentia patris,
 Clausus adhuc utero, nec lucis munere functus,
 Prima salutantis cum uox audita parenti est,
 Nouit Ioannes latitantem uirginis alio
 Aeternum regem, uenit cui præuius ipse,
 Exiliensq; utero, poterat quo gaudia motu
 Expressit, magni sobolem genitoris adorans.

Sancte infans, at nōdum infans, te ad sidera quali
 Voce feram, dignoue æquem quo carmine cœlo?
 Tu nondum in uitæ spirantes editus auras
 Hausisti sanctos æterni flaminis ignes,
 Afflatusq; deo demissum ex æthere lucis
 Agnoscī auctorem; felix qui cernere lumen
 In tenebris tantum potuisti, ipsumq; tueri
 Sumentem humanos cœlum qui condidit artus.

At uero ut subito puerum sanctissima sensit
 Exultantem anus, æthereamq; in uirgine prolem,

Concipiens toto diuinum pectore numen,
 Voce alacri supplex illam uenerata profatur,
 Ante alias felix mater, foetusq; beato
 Quem seruas utero felix, diceris in omne
 Aeuum fama ingens, & nostri gloria sexus,
 Quid me quid tanto immeritam dignaris honore?
 Hac in teſta uenis, ſubiſti hac limina, regis
 O' genitrix ſummi? teneris en artibus infans
 Oſtendens noſter diuinæ gaudia prolis
 Signa dedit, cum prima meas uox uenit ad aures,
 Atque aſſerre tuæ es tantam dignata ſalutem.
 Preſtans d' fidei. uirgo, quæ certa putaviſti
 Mira licet ſummi rerum mandata parentis,
 Promiſſa accipies cœleſti munera uoce,
 Munera, perpetuam generi latura quietem
 Humano, & ſancti felicia ſecula regni.

Et iam tempus erat quo ſe proferret anili
 Ex utero, lucisq; infans prodiret in oras;
 Fortunata ſacro tandem quum pondere mater
 Se leuat, & terris puerum dat cernere uatem.
 Haud mora, uicinas uulgatur fama per urbes
 Educti in lucem tam ſancti nuncia partus;
 Conueniunt omnes, & iuſti nota frequentant
 Teſta ſenis, iungebat amor quos mutuus, & quos
 Cognato antiquus ſociabat ſœdere ſanguis.
 Gratantur tanto dignatæ munere matri,
 Et puerum cœlo tollunt, ingentia patris
 Laudibus ætherei celebrantes numina ſummis.

Mos fuit, ipſe ſator rerum quem tradidit olim
 Omnipotens genitori Abraæ, rite ille colendum

Quem docuit, sanctumq; pijs tenere minores ;
Infanti octauæ lucis cum fungitur aura ,
Ancidunt partis pellem genitabilis imam,
Fœderis æternum iuncti memorabile signum
Optatos inter populos cœliq; parentem ;
Scilicet hoc gratamq; deo sanctamq; cruore
Perfuso, tanti uenturo proderet ano
Progeniem patris egregiam, claramq; nepotum
Magnorum seriem, reges, & regibus ortos
Heroas, sacrosq; duces, & numine magnos
Diuino afflatus felicia pectora uates ;
Et seruanda pia genti qui mystica ferrent
Sacra deo, sanctisq; fouerent ignibus aras .
Vnde orbi noua lux micuit rex ille, beata
Qui secla induxit terris, miserosq; uetusto
Seruitio eripuit mortales, maximus unde
Et uates ductus populis orientia late
Præuius ostendit ueri qui lumina solis,
Cuius ego in laudes diuino accensus amore
Nunc feror eximias, sint hæc modo carmina tanti .

Ergo ubi lux radios octaua reduxerat orbi,
Debita soluebant prisco de more frequentes ;
Et puerum patris dicebant nomine, quum ui
Flaminis æterni pia pectus percita mater,
Dicite Ioannem, dixit; commota repente
Pectora mirantum nusq; gentile quid illud
Optarit nomen genitrix, ipsumq; rogabant
Indi quod mallet, nutu signisq; parentem ;
Ille autem, poterat quando non uoce, petito
Descripsit calamo, dictumq; à matre notant

SCIPIONIS CAPICI

Nomen Ioannes, demissum ex aethere nomen.
 Obrepsit subito cunctis stupor ossa sub ima,
 Tum palmas duplices tollentem & lumina coelo
 Aspiciunt genitorem, ac mentis plena parantem
 Gaudia soluenda iamdudum expromere lingua;
 Atque erepta diu uox est audita repente.
 Protinus ille nouo diuinis carmine laudes
 Aggreditur, patrisq; effert pia munera summi.
 Hoc magis attonitis gliscit stupor, & noua tanto
 Percussas uisu inuadit reuerentia mentes.
 Nec mora, Iudææ colles populosq; propinquos
 Peruolitans late tanti præmintia facti
 Fama implet, pulsatq; metu pia pectora sancto.
 Secum omnes ortum pueri, & diuinitus illi
 Optatum nomen, magnæ præsagia uitæ,
 Atque iniecta diu linguæ laxataq; uincla
 Versabant, non illa patris sine numine summi
 Prouenisse rati. genitor tunc flamine mentem
 Diuino afflatus soluens sic ora, futuri
 Præscius, æterni cecinit noua secula regni.

Summus ab aethereo tandem regnator olympto
 Optatam dextro despexit lumine gentem,
 Inuisitq; suos, regis de sanguine mittens
 Iessei assertorem hominum, auctoremq; salutis;
 Ille canendus erit nobis. uos laudibus æquis
 Vos illum digno super aethera tollite cantu.
Hic depressa iugo soluit languentia colla;
Infensosq; diu nobis hostemq; superbum
Contudit, æterno componens fœdera nexu.
 Sic uates cecinere pii, sic munera clemens

Quæ magno iuratus aua promiserat olim,
Præstabit genitor summus ; sic ægra soluti
Corda metu ancipiti, atque odijs exercita diris
Hunc recto assueti semper sanctiq; colemus .
Et tu magne puer diuinos maximus inter
Diceris uates, regi tu præuius illi
Ibis, ad hunc sanctis conuertens pectora dictis ;
Tum pia gens ueram uenia donata salutem
Et lucem optatam, mansuraq; gaudia noscet .
Vsq; adeo ex alto aspexit miseratus ab imo
Pectore nos pater athereus, caligine pressos
Antiqua, & diræ tabentes mortis in umbra ,
Optatq; irradians æterni luminis ortu ,
Vt capiant animos diuinæ commoda pacis .

LIBER SECVNDVS.

Am uero aerias pergam te lucis ad oras

I Eduētū canere, & uitæ memoranda futuris

Facta tuæ sacro deducere carmine seclis;

Sancte puer; iuuat insuetos è fonte liquores:

Haurire intaëlo; molliq; ex arbore, tellus

Quam tua fert sola, insignes decerpere ramos,

Et mea fragranti præcingere tempora fronde

Non ego pegasides accersam uana sorores

Numina, & aonia insignem testudine Phœbum;

Nec spatia immensi tentantem uasta profundi

Findere, me ambigui capient mendacia Protei;

Quæsitus ue ignis cælo, simulataq; diuum

Portenta, & pictis demissus nuncius alis,

Deductaq; deum facies, & uana tonantis

Nomina, & immotus fatorum creditus ordo;

Sed me diuinus deserta per auiæ raptum

Accendit radijs æterni spiritus ignis.

Sic ego cælestes poscens ad carmina uires

Non fictas uires, Sebethi ad flumina primus

Aggredior sacras digno res tradere cantu.

Mox regem æternum demissam ex æthere summi

Progeniem mentemq; patris mortalia membra

Indutum, & mire comprehensum uirginis aluo,

Postq; necem diram uitæ admirandaq; facta

Alta triumphata repetentem sidera morte,

Accingar canere, & longum uoluenda per æuum

Sacra piæ genti, faucant modo ritè uocata

Numina, perpetuis intexere carmina chartis.

Interea uatis laudes pia cœpta sequamur .
Ille rudimenta primus fructumq; iuuentæ
Accipiat nostræ, & populi contemnere uilis
Iurgia, & insano doceat me tollere uulgo.

Ergo uocalis senior noua secula cantu
Et pia tollebat genitoris numina magni,
Vatidicis implens spe sancta pectora dictis .
At tibi quæ talem genitrix tunc gaudia natum
Dum complexa foues, carisq; amplexibus hæres,
Adiungisq; tui lætentibus ubera labris;
Vbera uitali rugosa tumentia rore,
Inq; dies pingui roboras noua membra liquore.
Iamq; puer sensus animi sumebat, & artus
Firmabat teneros, æui qui signa futuri
Ex utero matris quamuis iam certa dedisset,
Hunc tamen ingenti studio curaq; parentes
Instituunt sancte, & facta ad cœlestia formant .
Ille autem afflatus diuino numine mentem
Exequitur præcepta lubens, & sancta capeffit
Mandata, atque alacres tollens ad sidera sensus
Paulatim humanis rebus se auertit, & ultro
Delicias molles, & curas spernit inanes.

Iamq; hominum affectus, & uanos noscere mores
Cœperat, æthereisq; animis ut crimina sensim
Terrena, & misera serpent contagia uitæ,
Quum fastus uulgi, cœtusq; exosus, in alta
Se abdebat nemora, & syluis degebat opacis .
(Hic inter dumos sensim pubescere malas
(Sensit, & insignis florem prodire iuuentæ .
Non urbes illum tectis fouere sub altis,

SCIPIONIS CAPICII

Per densos saltus nemorumq; inculta suctum
 Ferre gradum, et placidam in syluis captare quietem.
 Hic strepitum vulgi, atque operam fugientis inertem
 Spernebat uita, uarij prauertere casus
 Quam poterant ueniensq; cito mors aspera gressu;
 Synceroq; omnem penitus de pectore curam
 Fluxarum pellens rerum, & coelestia semper
 Concipiens animo puram super alta ferebat
 Sidera, & aeterno mentem replebat amore.
 Illum non ardens rapidi uis torruit aestus,
 Non hyemis rabies, non inclementia coeli
 Durdtum glacie atque aestu, nec uestibus ullis
 Indutum; tantum hirsuti contexta cameli
 Squalentes humeros uelabat penula setis.
 At uictum tristes nullo ieiunia farre
 Soluenti, locustae inopem pauidisq; relicta
 Poma feris, herbaeq; dabant baccaq; rubentes,
 Et congesta cauo syluestria stipite mella.
 Non cibus hunc hominum mollita salubribus esca
 Ignibus instructa tenuit non copia mense,
 Non ulla allexere dapes, nec pocula succo
 Pampineo saturata, sitim comescere pura
 Contentum lympa & deserti fluminis haustu.
 Et rapidus seu sol agros urebat hiantes,
 Siue gelu densabat hyems cum caeca teneret
 Nox terras, nullis macie confecta leuabat
 Stratis non ullo recreabat membra cubili;
 Verum antro in gelido patulae sub arbore somnos
 Carpebat tenues, coelestes cernere tractus
 Lumina concedens serae defessa quieti.

Heu stolidæ mentes, & luce carentia corda
Humanæ gentis, quantis uita agra laborat
In tenebris, quali iactantur pectora motu;
Alma cibum nobis, natiuaq; pocula tellus,
In specubusq; domos, in pratis sponte cubile
Præbuit, ingrati fulgenti è marmore uillas
Insignesq; domos struimus, uix mœnibus urbes
Egregiæ capiunt quosdam uix maxima regna,
Immemores, totos ueniet cum serior hora,
Quam breuis urna teget. miseri quid tenditis arte
Vincere solertis naturæ inuenta, quid usus
Angustæ ad uitæ tenues tam multa paratis?
Luxibus ignauū luxus quid neclitis? omne
Quod superat uobis, illis id demitur, euum
Qui degunt inopes rerum, quibus ampla parentis
Aufertis terræ communis munera, & orbe
Arcetis toto, atque auræ uix linquitis usum;
Interea ad lucem cœnas uos ducitis, ullæ
Nec satiant epulæ pinguisue opulentiæ mensæ;
Hoc iuuat ò miseri diros quod pascitis atra
Ingluue morbos, mortemq; arcessitis ultro;
At non in uestro firmantur corpore uires,
Morsue minus properans ueniet quod concava uestra
Gemma sitim leuat, aut picto recubatis in ostro,
Et nitidis fulgens quod uestris serica uillis
Nec saturata semel precioso murice lana,
Et ductum argentum atque aurum uos textile uestit.
Quam procul his petitur summi domus ardua cœli,
Delicijs miseros diro quæ funere perdent.
Ille autem in syluis uitam qui horrentibus egit

SCIPIONIS CAPICII

Eximius uates, astus brumaq; labores
 Pauperiemq; famemq; ferens, non talia liquit
 Exempla, at luxus, & uulgi mobilis auras
 Vanaq; uitabat labentis gaudia uitæ.

Iamq; illum uiridis tandem firmauerat ætas,
 Et solide stabant iuuenili in corpore uires,
 Quum uolitans urbes impleuit fama propinquas,
 Insignem iuuenem saltus errare per altos
 Denforum nemorum, & cœtus uitare, proculq;
 Urbibus extolli tota super æthera mente.
 Haud mora, conueniunt populi, solasq; latentem
 Per syluas perq; antra illum deserta requirunt.
 Quos ubi conspexit, se se uenientibus ultro
 Obtulit, & claro ostendit se in lumine uates.
 Obstupere omnes cum formam atque horrida cultus
 Aspexere uiri, & macie squalentia membra,
 Et barbam impexam, intonsos hirtosq; capillos;
 Verum ubi fixerunt in sacros lumina uultus
 Exangues licet, & tristi pallore rigentes,
 Conspiciunt ora æthereo suffulta uigore,
 Et geminas sacro fundentem uertice flammæ,
 Cœlestes flammæ radijs quæ pectora miris
 Spectantum, & sancto replebant corda pauore.
 Visa minor fama est, uatis cum cernere sacri
 Ora datum, coramq; oculos explere tuendo;
 Ardebantq; illum iandudum audire loquentem.
 Is uero incepit tandem, & sacra ora resoluit,
 Mira canens, sanctisq; implens sermonibus aures,
 Et lata ostendens æterni tempora regis.
 Nec non & scelerum pollutos sorde priorum

Purgabat dictis animos; quæ quisque sequatur
Quæ fugiat vitetque docens, tum terra fatentes
Crimina, mergebant miseros quæ funere diro,
Orantesque deum ueniam, uitamque priorem
Pertasos, sacri lustrabat fluminis unda;
Scilicet abluti mortalia corpora, signum
Acciperent mentis terrena labe piatæ.

Res noua per latos populos urbesque propinquas
Pertulerat uatis nomen, cunctique relictis
Sedibus in syluas alacres cupideque ruebant.

Per nemus aspiceres uastum, & deserta ferarum
Per loca certatim ferri nullo ordine turbas,
Et quemque inuentum uatem contendere primum
Conspicere, & propius pendere loquentis ab ore.

Per campos ueluti properat cum exercitus aestu
In medio stimulante siti, si ex agmine quisque
Repperit in tenero muscosum gramine fontem,
Cuncti iter inceptum linquent, & quisque perustas
Ante alios certat fauces pertingere lymphæ.

Ille autem ardentes mire inflammabat, & acres
Commota addebat stimulos ad pectora dictis.

Hic aliquis, foeda urgebant quem noxia cordi
Crimina, quis uitam excoleret præcepta rogabat,
Tunc ille his audas implebat uocibus aures.

Quos d' diuitijs inuat inuigilare repertis,
Quid satiare sitim lacrimis inopumque cruore
Semper inexpletam, & prædando quæritis? omne
Perque nefas inhiatis opes? nullusue parandis
Usquam finis erit? partem iam ponite uestris.
Quæ tulit in lucem nudos, uos frigida nudos

Opard

SCIPIONIS CAPICII

Concipiens toto diuinum pectore numen,
 Voce alacri supplex illam uenerata profatur,
 Ante alias felix mater, foetusq; beato
 Quem seruas utero felix, diceris in omne
 Aeuum fama ingens, & nostri gloria sexus,
 Quid me quid tanto immeritam dignaris honore?
 Hac in tecta uenis, subiisti hac limina, regis
 O' genitrix summi? teneris en artibus infans
 Ostendens noster diuinæ gaudia prolis
 Signa dedit, cum prima meas uox uenit ad aures,
 Atque afferre tuæ es tantam dignata salutem.
 Præstans d' fidei uirgo, quæ certa putasti
 Mira licet summi rerum mandata parentis,
 Promissa accipies coelesti munera uoce,
 Munera, perpetuam generi latura quietem
 Humano, & sancti felicia secula regni.

Et iam tempus erat quo se proferret anili
 Ex utero, lucisq; infans prodiret in oras;
 Fortunata sacro tandem quum pondere mater
 Se leuat, & terris puerum dat cernere uatem.
 Haud mora, uicinas uulgatur fama per urbes
 Educti in lucem tam sancti nuncia partus;
 Conueniunt omnes, & iusti nota frequentant
 Tecta senis, iungebat amor quos mutuus, & quos
 Cognato antiquus sociabat foedere sanguis.
 Gratantur tanto dignata munere matri,
 Et puerum cælo tollunt, ingentia patris
 Laudibus ætherei celebrantes numina summis.

Mos fuit, ipse sator rerum quem tradidit olim
 Omnipotens genitori Abraæ, rite ille colendum

Quem docuit, sanctumq; p̄i tenuere minores ;
 Infanti octauæ lucis cum fungitur aura ,
 Ancidunt partis pellem genitabilis imam,
 Fœderis æternum iuncti memorabile signum
 Opratos inter populos cœliq; parentem ;
 Scilicet hoc gratamq; deo sanctamq; cruore
 Perfuso, tanti uenturo proderet æuo
 Progeniem patris egregiam, claramq; nepotum
 Magnorum seriem, reges, & regibus ortos
 Heroas, sacrosq; duces, & numine magnos
 Diuino afflatos felicia pectora uates ;
 Et seruanda pia genti qui mystica ferrent
 Sacra deo, sanctisq; fouerent ignibus aras
 Vnde orbi noua lux micuit rex ille, beata
 Qui seclæ induxit terris, miserosq; uetusto
 Seruitio eripuit mortales, maximus unde
 Et uates ductus populis orientia late
 Præuius ostendit ueri qui lumina solis,
 Cuius ego in laudes diuino accensus amore
 Nunc feror eximias, sint hæc modo carmina tanti .

Ergo ubi lux radios octaua reduxerat orbi,
 Debita soluebant prisco de more frequentes ;
 Et puerum patris dicebant nomine, quum uī
 Flaminis æterni pia pectus percita mater,
 Dicite Ioannem, dixit; commota repente
 Pectora mirantum nusq; gentile quid illud
 Optarit nomen genitrix, ipsumq; rogabant
 Indi quod mallet, nutu signisq; parentem ;
 Ille autem poterat quando non uoce, petito
 Descripsit calamo, dictumq; à matre notant

Nomen Ioannes, demissum ex æthere nomen.
 Obrepsit subito cunctis stupor ossa sub ima,
 Tum palmas duplices tollentem & lumina coelo
 Aspiciunt genitorem, ac mentis plena parantem
 Gaudia soluenda iamdudum expromere lingua;
 Atque erepta diu uox est audita repente.
 Protinus ille nouo diuinis carmine laudes
 Aggreditur, patrisq; effert pia munera summi.
 Hoc magis attonitis gliscit stupor, & noua tanto
 Percussas uisu inuadit reuerentia mentes.
 Nec mora, Iudææ colles populosq; propinquos
 Peruolitans late tanti præuincia facti
 Fama implet, pulsataq; metu pia pectora sancto
 Secum omnes ortum pueri, & diuinitus illi
 Optatum nomen, magnæ præfagia uitæ,
 Atque iniecta diu linguæ laxataq; uincla
 Versabant, non illa patris sine numine summi
 Prouenisse rati. genitor tunc flamine mentem
 Diuino afflatus soluens sic ora, futuri
 Præsciis, æterni cecinit noua secula regni.

Summus ab æthereo tandem regnator olympo
 Optatam dextro despexit lumine gentem,
 Inuisitq; suos, regis de sanguine mittens
 Iessei assertorem hominum, auctoremq; salutis;
 Ille canendus erit nobis. uos laudibus æquis
 Vos illum digno super æthera tollite cantu.
 Hic depressa iugo soluit languentia colla;
 Infensosq; diu nobis hostemq; superbum
 Contudit, æterno componens fœdera nexu.
 Sic uates cecinere pii, sic munera clemens

Quæ magno iuratus aua promiserat olim,
Præstabit genitor summus; sic ægra soluti
Corda metu ancipiti, atque odijs exercita diris
Hunc recto assueti semper sanctiq; colemus.
Et tu magne puer diuinos maximus inter
Diceris uates, regi tu præuius illi
Ibis, ad hunc sanctis conuertens pectora dictis;
Tum pia gens ueram uenia donata salutem
Et lucem optatam, mansuraq; gaudia noscet.
Vsq; adeo ex alto aspexit miseratus ab imo
Pectore nos pater æthereus, caligine pressos
Antiqua, & diræ tabentes mortis in umbra,
Optatq; irradians æterni luminis ortu,
Vt capiant animos diuinæ commoda pacis.

Interea uatis laudes pia cœpta sequamur.
 Ille rudimenta primus fructumq; iuuentæ
 Accipiat nostræ, & populi contemnere uilis
 Iurgia, & insano doceat me tollere uulgo.

Ergo uocalis senior noua secula cantu

Et pia tollebat genitoris numina magni,
 Vt idicis implens spe sancta pectora dictis.
 At tibi quæ talem genitrix tunc gaudia natum
 Dum complexa foues, carisq; amplexibus hæres,
 Adiungisq; tui lactentibus ubera labris,
 Vbera uitali rugosa tumentia rore,
 Inq; dies pingui roboras noua membra liquore
 Iamq; puer sensus animi sumebat, & artus
 Firmabat teneros, æui qui signa futuri
 Ex utero matris quamuis iam certa dedisset,
 Hunc tamen ingenti studio curaq; parentes
Instituunt sancte, & facta ad cœlestia formant.
Ille autem afflatus diuino numine mentem
Exequitur præcepta lubens, & sancta capeffit
Mandata, atque alacres tollens ad sidera sensus
Paulatim humanis rebus se auertit, & ultro
Delicias molles, & curas spernit inanes.

Iamq; hominum affectus, & uanos noscere mores
 Cœperat, æthereisq; animis ut crimina sensim
 Terrena, & misera serpent contagia uitæ,
 Quum fastus uulgi, cœtusq; exosus, in alta
 Se abdebat nemora, & syluis degebat opacis.

Hic inter dumos sensim pubescere malas
Sensit, & insignis florem prodire iuuentæ.
 Non urbes illum tectis fouere sub altis,

SCIPIONIS CAPICII

Per densos saltus nemorumq; inculta suetum
 Ferre gradum, et placidam in syluis captare quietem.
 Hic strepitum vulgi, atque operam fugientis inertem
 Spernebat uita, uarij prauertere casus
 Quam poterant ueniensq; cito mors aspera gressu;
 Synceroq; omnem penitus de pectore curam
 Fluxarum pellens rerum, & coelestia semper
 Concipiens animo puram super alta ferebat
 Sidera, & aeterno mentem replebat amore.
 Illum non ardens rapidi uis torruit aestus,
 Non hyemis rabies, non inclementia coeli
 Duratum glacie atque aestu, nec uestibus ullis
 Indutum; tantum hirsuti contexta cameli
 Squalentes humeros uelabat penula setis.
 At uictum tristes nullo ieiunia farre
 Soluenti, locustae inopem pauidisq; relicta
 Poma feris, herbaeq; dabant baccaeq; rubentes,
 Et congesta cauo syluestria stipite mella.
 Non cibus hunc hominum mollita salubribus esca
 Ignibus instructa tenuit non copia mensae,
 Non ullae allexere dapes, nec pocula succo
 Pampineo saturata, sitim compescere pura
 Contentum lymphe & deserti fluminis haustu.
 Et rapidus seu sol agros urebat hiantes,
 Siue gelu densabat hyems cum caeca teneret
 Nox terras, nullis macie confecta leuabat
 Stratis non ullo recreabat membra cubili;
 Verum antro in gelido patulae sub arbore somnos
 Carpebat tennes, coelestes cernere tractus
 Lumina concedens serae defessa quieti.

Heu stolidæ mentes, & luce carentia corda
 Humana gentis, quantis uita ægra laborat
 In tenebris, quali iactantur pectora motu;
 Alma cibum nobis, natiuaq; pocula tellus,
 In specubusq; domos, in pratis sponte cubile
 Præbuit, ingrati fulgenti è marmore uillas
 Insignesq; domos struimus, uix mœnibus urbes
 Egregiæ capiunt quosdam uix maxima regna,
 Immemores, totos ueniet cum serior hora,
Quam breuis urna teget. miseri quid tenditis arte
 Vincere solertis naturæ inuenta, quid usus
 Angustæ ad uitæ tenues tam multa paratis?
 Luxibus ignauū luxus quid neclitis? omne
Quod superat uobis, illis id demitur, æuū
Quæ degunt inopes rerum, quibus ampla parentis
 Aufertis terræ communis munera, & orbe
 Arcetis totò, atque auræ uix linquitis usum;
 Interea ad lucem coenas uos ducitis, ullæ
 Nec satiant epulæ pinguisue opulentiæ mensæ;
 Hoc iuuat d' miseri diros quod pascitis atra
 Ingluuiæ morbos, mortemq; arcessitis ultro;
 At non in uestro firmantur corpore uires,
 Morsue minus properans ueniet quod concava uestra
 Gemma sitim leuat, aut picto recubatis in ostro,
 Et nitidis fulgens quod uestris serica uillis
 Nec saturata semel precioso murice lana,
 Et ductum argentum atque aurum uos textile uestit.
 Quam procul his petitur summi domus ardua cali,
 Delicijs miseros diro quæ funere perdent.
 Ille autem in syluis uitam qui horrentibus egit.

SCIPTONIS CAPICII

Eximius uates, æstus brumæq; labores
 Pauperiemq; famemq; ferens, non talia liquit
 Exempla, at luxus, & uulgi mobilis auras
 Vanaq; uitabat labentis gaudia uitæ
 Iamq; illum uiridis tandem firmauerat ætas,
 Et solida stabant inuuenili in corpore uires,
 Quum uoluitans urbes impleuit fama propinquas,
 Insignem iuuenem saltus errare per altos
 Denforum nemorum, & cœtus uitare, proculq;
 Urbibus extolli tota super æthera mente.
 Haud mora, conueniunt populi, solasq; latentem
 Per syluas perq; antra illum deserta requirunt.
 Quos ubi conspexit, se se uenientibus ultro
 Obtulit, & claro ostendit se in lumine uates
 Obstupere omnes cum formam atque horrida cultus
 Aspexere uiri, & macie squalentia membra,
 Et barbam impexam, intonso hirtosq; capillos;
 Verum ubi fixerunt in sacros lumina uultus
 Exangues licet, & tristi pallore rigentes,
 Conspectiunt ora æthereo suffulta nigore;
 Et geminas sacro fundentem uertice flammæ,
 Cœlestes flammæ radijs quæ pectora miris
 Spectantur, & sancto replebant corda pauore.
 Visa minor fama est, uatis cum cernere sacri
 Ora datum, coramq; oculos explere tuendo;
 Ardebantq; illum iandudum audire loquentem.
 Is uero incepit tandem, & sacra ora resoluit,
 Mira canens, sanctisq; implens sermonibus aures,
 Et leta ostendens æterni tempora regis.
 Nec non & scelerum pollutos sorde priorum

Purgabat dictis animos ; quæ quisq; sequatur
 Quæ fugiat uitetq; docens, tum tetra fatentes
 Crimina, mergebant miseros quæ funere diro,
 Orantesq; deum ueniam, uitamq; priorem
 Pertasos, sacri lustrabat fluminis unda ;
 Scilicet abluti mortalia corpora, signum
 Acciperent mentis terrena labe piatæ .

Res noua per latos populos urbesq; propinquas
 Pertulerat uatis nomen, cunctiq; relictis
 Sedibus in syluas alacres cupideq; ruebant .

Per nemus aspiceres uastum, & deserta ferarum
 Per loca certatim ferri nullo ordine turbas,
 Et quemq; inuentum uatem contendere primum
 Conspicere, & propius pendere loquentis ab ore .

Per campos ueluti properat cum exercitus æstu
 In medio stimulante siti, si ex agmine quisq;
 Repperit in tenero muscosum gramine fontem ,
 Cuncti iter inceptum linquent, & quisque perustas
 Ante alios certat fauces pertingere lymphæ .

Ille autem ardentes mire inflammabat, & acres
 Commota addebat stimulos ad pectora dictis .

Hic aliquis, fœda urgebant quem noxia cordi
 Crimina, quis uitam excoleret præcepta rogabat,
 Tunc ille his auidas implebat uocibus aures .

Quos d' diuitijs iuuat inuigilare repertis,
 Quid satiare sitim lacrimis inopumq; cruore
 Semper inexpletam, & prædando queritis ? omne
 Perq; nefas inhiatis opes ? nullusue parandis
 Vsquam finis erit ? partem iam ponite uestris.
 Quæ tulit in lucem nudos, uos frigida nudos

Et pia tradentem genti praecepta rogabant
 Tesbius an uates, an rex foret ultimus ille
 Diuinum terris qui sic ostendere regnum
 Auderet, populumq; insueto more piare.

O' decus humanæ gentis quo carmine ferre
 Te spatia immensi ualeam super ardua cœli
 Iam tua te uates uirtus iam gloria ad astra
 Factorum extulerat, uerumq; assueta fateri
 Acceptura fidem haud dubiam uox illa fuisset,
 Vltima si annueras terris te secla tulisse,
 At te nil humana agitantēs pectora laudes
 Mouerunt regis caperes ut nomina summi
 Tum corda his uates firmans titubantia dictis,
 Non ego cœlesti forsan quem sede putatis
 Aduectum terris, uates sum tesbius inquit,
 Nec me supremi dignabor nomine regis,
 Sed puro missus pertasos crimina fonte
 Abluere, æternis lustrēt quos ignibus ille
 Et generis perimat labem, penitusq; piatos
 Adueniens rex eripiat caligine tetra;
 Et quamq; in lucem uenit me serior, ortus
 Præcessit tamen ille meos, longeq; potentem
 Ante alios unum hunc supplex ueneratus adoro.
 Ille idem radijs implens cœlestibus orbem,
 Collapsis penitus statuet noua fœdera rebus.
 Et ueluti solers messēm cum uentilat astu
 Agricola in rapido, dat flammis urere aristas,
 Et puras infert fruges flauentibus horreis,
 Expectata pijs donans felicia regna,
 Hinc procul eijciēt fontes, noctisq; profunda

Cōparat

SCIPIONIS CAPI CII

Inuoluet tenebris, quos atra incendia diris
 Addictos poenis semper mansura uorabunt.
 Hunc alij uobis uates hunc maximus olim
 Amoides dixit, cum per deserta uagantem
 Monstrantemq; uirum cecinit felicius æuam,
 Clamantemq; uiam uenturo sternite regi;
 Et iam clamantis nemorosa per auia uocem
Accipitis, nec longe aberit, cum cernere tantum
Quem cano fas fuerit manifesto in lumine regem,
 Et nunc mortales inter nec cognitus ulli
 Versatur uestris socium se cœtibus addens.

Talia dum fatur uates, turbamq; beatæ
 Attentam incendit uita uenientis amore,
 Plebs ignara fidem præbebat plurima dictis;
 At quibus æternæ legis data cura docendæ,
 Et quos ingenium solers, atque ardua rerum
 Cognitio indocto dederat præcellere uulgo,
 Irrita dicebant uatis responsa, nouumq;
Expectandum illud lustris labentibus æuam.

Mens ignara hominum, quid rerum querere causas
 Et multam prodest longo uigiliq; parare
 Doctrinam studio, modicis quid uiribus impar
 Sumere onus rerum auctoris pia sacra ferendi,
 Si non quasita ad superas prudentia sedes
 Monstret iter cacaq; animos caligine soluat?
 Quisq; sacris præsumt, si ad recti uertere cultum
 Non curent, & iussa rudes diuina docere?
 Non acre ingenium, doctas non uita per artes
 Exculta, atherci genitoris numina flectunt;
 Nec multa effulgens auro gemmisq; corona,

Ac mitra insigni aut rutila frons aucta tiara,
Et laxa ad talos ardenti è murice uestis,
Fortunata parant duro quærenda labore
Regna pie genti fuso quæ sanguine sancto
Rex statuit moriens æterni conditor æui.

Ergo ueridico fuerat quæ mira canenti
Vati adhibenda fides, hic omnis defuit, esse
Quos penes ingentem decuit, nec uana putasse
Quæ rudis intentâ credens plebs hauserat aure.

Interea sanctis uates dum pectora dictis
Irrigat, & crebro populos perfundit ab amne,
Rex patris ætherei soboles qui pellere noxam
Venerat antiquam, tenebrasq; ex orbe fugare,
Quo uatis promissa pijs non uana probaret,
Proxima qui æterni regis noua secla canebat,
Ipse etiam turbas inter lustrarier amne
Venit; & immensi cui parent lumina mundi
Rex ibat superum uelut è mortalibus unus.
O' lux omnipatens, æterni d' flaminis ingens
Virtus, non hominum fuerat qui cognitus ulli
Eductus syluas inter, saltusq; ferarum,
Vt primum uates uenientem lumina fixit
In regem, æterni magna ui numinis actus,
Ten ait exclamat, te luce intentior omni,
Qui priscam terris uenisti abstergere labem,
Mortalis rerum dominum cœliq; potentem
Ausim ego delenti sordes pertingere lymphæ?
Quin tu me sceleris pollutum labe uetusti
Elue, natiuoq; illic sic rende nitore,

Sordida quem rapuit primæui noxa parentis .
 Ille autem ne obsiste inquit : sic conuenit omne
 Nos superare æuum, porro discrimine nullo
 Me quoq; mortalem ueluti perfunde liquore .
 Hæc ait & pariter fert sacra ad flumina gressus
 Sancta pedum figens udis uestigia arenis .

Fortunate amnis, uerum cui tingere lucis
 Humanae auctorem felici contigit unda .
 Ipsa tibi cedunt non tantum flumina quotquot
 Terra parit, notiq; lacus, sed uasla profundi
 Vieta tuo fluuiio subdunt se marmora ponti .
 Nam licet immensum oceanus late ambiat orbem,
 Ipse tamen quem non tellus non æquoris undæ,
 Non spatia excelsi capiunt amplissima cœli,
 Tendentem ad te humili incessu, nitidoq; petentem
 Flumine perfundi uelut è mortalibus unum,
 Sparsisti ex illo sacratis tempore lymphis .

Interea genitor conspersum flumine natum
 Audit orantem. Quis me super ardua raptum
Sidera, nec uanum quicq; aut mortale canentem
Diriget ad metam ? d tantis nunc spiritus ausis
 Annuat, excelsa uates quem ex æthere labi
 Aspexit, magnumq; super consistere regem .

Vix fluuiio egressus rex idem presserat udis
 Tellurem pedibus, superum cum rector ab alto
 Præsenti in luce emicuit, celsusq; repente
 E' summo se se patefecit culmine olympus .
 Tunc se diuinum demittens flamen ab astris
 Accessit propius terras, mitisq; columbae

Corporea apparens specie, quam humana uiderent
 Lumina, confedit diuini in uertice regis.
 Intonuit, sonitusq; nouos dedit arduus aether,
 Et uox supremi sic est audita parentis,
 Hic meus est ante omne fuit qui filius æuum,
 Hunc æternus amor semper mihi iunxit, & idem
 Diuinam clausit mortali in corpore mentem.

Sed decet hic unum triplex ostendere cantu
 O' liceat digno numen, manifestius unq̃
 Quod non se ostendit, summus q̃ perluit ipsam
 Quam uates sacro diuinam flumine prolem.
 Id mentes capiunt hominum, & mortalia tanti
 Sunt corda? & nostræ poterunt hoc pandere uoces?

Nos pater omnipotens ortum dedit aethere ab alto
 Ducere, & in cœlum euexit mortalia membra
 Diuinam inspirans animam, quam noscere fas est
 Omnia, seq; rapit quo fert sua cumq; uoluntas.
 Extollunt hæc nos gemina super æthera uires,
 Præstamus uitæ his uolucrum generiq; natantum,
 Almaq; quot syluis pascit quot gramine tellus;
 Namq; hæc non ipsum, cum sint expertia mentis,
 Supremum auctorem rerum, qui condidit imam
 Tellurem, & celso splendens sidera cœlo,
 Non se se agnoscunt penitus, non condita quæuis,
 Sola etenim mens ipsa potis nosse omnia solers;
 Sed nec uelle his est, hebeti tantumq; trahuntur
 Affectu, & prono ducunt è corpore sensus;
 At nos quamq̃ animo afficimur tamen una uoluntas
 Hunc agit, & nusq̃ compellit caca libido.

SCIPIONIS CAPITI

An non sæpe libet quicq̃, nostrosq; laceffit.
 Quod cupimus sensus, animo tamen ardua uelle
 Longe aliud suadet ratio affectusq; coercet,
 Cumq; ægris cordi sint dulcia pocula nobis;
 Quod mage conducat latices potamus amaros.
 At contra non bruta queunt optare nec ullum
 Consilium uitæ ratione carentia ducit.
 Ergo hominum sublime genus non cetera tantum
 Viribus his superat geminis animantia summis,
 Verum diuino dignati semine, & ortu
 Natura similes superum terraq; parenti
 Nos sumus,eq; illo est humane stirpis origo.
 Namq; dei ut summi in natura est unica proles
 Ex patre ipsa dei mens, sanctumq; ex utroq;
 Est flamen, quæ est una patris natiq; uoluntas,
 Sic animæ natura est nostræ, quæ parit ipsum
 Nosse, suum tum uelle oritur tum intelligit illa,
 Quare animam cum quis penitus cognouerit ipsam
 Hinc poterit triplex unum cognoscere numen.
 Nam pater omnipotens summe felixq; bonusq;
 Cum sit, mens autem faciat cum quemq; beatum,
 Nec quis ni prudens ualeat bonus esse uolensq;,
 Esse deo mentemq; uoluntatemq; necesse est.
 Et ueluti est eadem natura atque unica nostri,
 Vnde anima est, ratioq; animæ eiusdemq; uoluntas,
 Sic patris natiq; & sancti flaminis unum
 Numen idemq; est, triplex unusq; est deus idem.
 Atque illo quoniam non est in numine quicquam
 Quod fiat, neu per se existat, nilq; quod esse

Non habeat summum ; quicquid dei est deus ipse
 Hoc ipsum omnino est, quum perfectissimus ille
 Integer atque idem totus sit, mens sit oportet
 Ipsa dei deus, & uotum deus, & sit eadem
 Cum patre natura, mens illius atque uoluntas ;
 Quare animæ quamq̃ similis natura parenti
 Aethereo nostræ est, tamen hoc ea distat ab illo
 Quod geminæ ipsæ animæ uires quæ est condita quæq̃;
 Mutatur, nec quidq̃ sui quodue illa agit ipsa est,
 Non ita sunt anima ex nostra, intellectio ut id sit
 Quod per se est animæ natura, itidemq̃ uoluntas,
 Namq̃; animæ affectus sunt, dumq̃; intelligit illa
 Aequè optat fiunt, at uero mensq̃; uoluntasq̃;
 Aeterni genitoris, ab illo ita sunt, nihil ut sit
 Factum ab eo, aut non per se existens, neu deus ipse ;
 Namq̃; aliter non summe perfectum abq̃; solutum,
 Integrumq̃; dei quicq̃ foret, ac deus idem
 Totus, mensq̃; dei per se, per seq̃; uoluntas
 Existit, tum integra ac perfectissima utriq̃; est
 Natura, ac non effectus quicq̃ ue dei sunt
 Quod non sit deus, atque deo deus utraq̃; ab ipso est.
 Quumq̃; deus pater ipse sit, est etiam deus ipsa
 Mens patris natus, uotum natiq̃; patrisq̃;
 Sanctum etiam flamen deus est, parq̃; est tribus esse ;
 Tres tamen hos esse unum numen nō tria certum est ;
 Atque alius pater est, aliusq̃; est natus, & ipse
 Spiritus est alius diuinus, sed tribus una
 Omnino, atque eadem natura est: cumq̃; trium sit
 Quisq̃; deus, tamen haud tres dij sunt sed deus unus .

SCIPIONIS CAPICII

Res mira atque ingens, capiant quam pectora nunq̃
 Nostra, nec humane possint ostendere uoces ;
 Attamen id nobis pro captu apprehendere mentis
 Fas est, cum liceat patrem cognoscere summum
 Per nostræ naturam animæ, quæ condita quantum
 Res unq̃ excelsa potuit dignarier ortu ,
 Est illi similis qui condidit omnia solus.
 Sed iam tempus erat, ueri quo luminis index
 Proderet æternum mortali in corpore regem
 Promissum optatumq; diu terrasq; colentem .
 Erga rex idem turbas dum sæpe reuisit ,
 Et se noscendum coram mortalibus offert ;
 Afficiens uates uenientem hunc eminus, hic est
 Hic inquit generis delet qui crimina nostri ;
 Innocuus uerusq; agnus diuinus ; hic ille est
 Quem dixi athereas quamq̃ me serius oras
 Hauserit, ante tamen cœli q̃ conderet arcem .
 Naturæ genitor, tempusq; ante omne fuisse
 Hunc pater è celso demittens æthere summus
 In terras, me præmisit, qui præuius illum
 Monstrarem uobis uenientem, undisq; piarem .
 Quos hic diuini lustrabit flaminis igne ;
 Hunc idem ostendit genitor cum flumine sacro
 Illum ego Iordanis laui ; uocem ipse loquentis
 Accepi, prolemq; suam caramq; probantis ;
 Et sanctum è cœlo labi, puræq; columbæ
 Hoc super aspexi specie considerare flamen ,
 Aspexi, & regem æternum rerumq; salutis
 Humanae auctorem agnouî, qui ex æthere missus

Purgabit longa pressas caligine terras .
 Sic uates regem optatum ostendebat, & amnis
 Pergebat sacri mortales tingere lymphæ .
 Interea patris summi mandata facessens,
 Parte alia ingentem populum felicibus idem
 Rex lustrabat aquis, diuinæq; iussa docebat .
 Id comites uati referunt, passim undiq; ad illum
 Purgandos lymphis properare salubribus omnes .
 Ille autem haud inquit tractat cœlestia quisq;
 Ni datur è cœlo, iam patris iussa peregi
 Hactenus ætherei, iam regi præuius ipsi .
 Ostendi ueniens diuini secula regni,
 Et scelèrum oblitos penitus uitæq; prioris,
 Edocui puras uenienti aduertere mentes,
 Iordanis tingens unda, quibus eximat ille
 Antiquam, lustrans diuino flamine, labem .
 Vos ipsi audistis toties cum sæpe rogarent,
 Pura ego qui populos lustrarem fluminis undæ
 An rex ille forem, tali me haud nomine dignum
 Aeternumq; illum regem dominumq; fatentem;
 Cuius ego haud digne genibus prouoluar, & imos
 Ore pedes & sancta pedum uestigia lambam .
 Iamq; probata omnes lato mea dicta uidetis
 Euentu; expectatus adest noua gaudia portans.
 Iam me illum iuuat aspicere atque audire loquentem;
 Ceu quis cum sponso ingenti deuinctus amore
 Tradita si cupido fuerit noua nupta marito
 Lætitia exultat, tùm caro latus amico
 Gratatur, totusq; imo sub pectore gestit .

SCIPIONIS CAPICII

Haud aliter, cum quæ optavi noramq; futura
 Adfuerint, nostra æquarunt ea gaudia uota,
 Inq; suum hunc lator regnum aduenisse beatum.
 Et iam quod late nostrum crebescere nomen
 Cœperat, ille suo postquam se protulit orbi,
 Imminui par est, ipsumq; ad sidera tolli.
 Ille deo genitore satus, super æthera, sortem
 Humanam excedens, meritis fama; feretur.
 Interea summi nomenq; & gloria regis
 Per populos sese Iudææ effuderat omnes,
 Et miris ingens factis, signisq; coruscus
 Virtutis monumenta suæ mortalibus ille
 Clara dabat, summoq; ortum se patre docebat.
 Hæc ubi fama pij uatis peruenit ad aures,
 Diuino quamq; perfusus flamine, nosset
 Esse illum æterni sobolem mentemq; parentis,
 Attamen ut comites quæ sacro ostenderat ore
 Ante oculos interq; manus exposita uiderent,
 Ex illis mittit qui regem adeantq; rogentq;,
 Ipse ne sit lapsis ueniens succurrere rebus,
 An ne aliud maneat pietas hæc serius æuum.
 Illi abeunt, sanctiq; ferunt mandata magistri;
 Rex autem non uerba serens, cœlestibus ipsos
 Admonuit signis uati quæ facta referrent.
 Continuo uarijs mortalia corpora morbis
 Eripiens, uitam sub nocte trahentibus atra
 Plerisque optati præbebat luminis usum;
 Et confecta lue, & sanie tabentia membra
 Diuina firmabat ope, oppressosq; nocenti

Damone; depellens uesanam in tartara pestem
Sensibus & menti quosdam reddebat ademptis.

Talia rex magnus felicitis conditor æui
Ostendens, uatq; illos quæ aut uisa referrent
Aut audita docens, diuino hæc addidit ore,
Vos ite & sacro responsa hæc reddite uati,
Per me fulgorem cœli qui luce carebant
Aspiciunt, nuperq; obstructas missus ad aures
Iam sonus accipitur certus, nec non quibus ægra
Torpebant membra, incolumes uestigia firmant.
Tum quibus ambesos elephantia læserat artus
Squalens, & maculis fœdarat corpora diris,
Iam mundos tristisq; lues languorq; reliquit.
Et quibus exactæ fluxerunt ultima uitæ
Tempora, perpetuusq; urgebat lumina somnus,
Ad superas auras reuocati, & sidera, rursus
Aethereum cœli lumen spirabile captant;
Instruimusq; inopes diuini ad gaudia regni.
Et felix nostri quem nil offenderit umq̃,
Meq; dei putet humana sub imagine prolem
Mortali haud dubiam generi præstare salutem.

His se qualis erat dictis ostendit, & auctos
Spe sancta illos edocuit, uatq; remisit.
Nec minus & reliquis defixis lumina in uno
Addidit hæc, quid uos autem quid densa petistis
Visuri nemora, & syluas accessitis opacas?
Non ibi gaudentem vulgi fallacibus auris
Spectatis, turbent uolucris quem flamina laudis,
Et tumidum motent fluuiialis arundinis instar

SCIPIONIS CAPICII

Quam crebris agitant stridentes flatibus Euri.
 Non ibi munditijs captum fastuq; superbo
 Quales ardenti uestitos myrice diues
 Delicijs trahit, atque ignauo regia luxu,
 Ast illum licuit presentem cernere summi
 Quem cecinere olim felicia pectora uates,
 Præmissum antiquæ noctis caligine pressis
 Longum expectata ostensurum gaudia lucis.
 Hic inter uates diuinos maximus, hic est
 Qui cunctis longe præstat mortalibus unus.
 Sic decus eximij uatis, laudesq; recensens
 Rex hunc tollebat iudexq; ad sidera summus.

LIBER TERTIVS.

Nelyta quos ualuit terris extollere uirtus,
 I Et meritis claros fulgentibus intulit astris,
 Sape hominū gens dira odijs exercuit atris,
 Innocuosq; ausa est crudeli perdere leto.
 Sic uatum sera qui in nocte iacentibus agris
 Prædixere nouæ lucis mortalibus ortum,
 Insentem pleriq; animam effudcre, pijsq;
 Pro meritis diro soluerunt funere pœnas;
 Sic & testati intrepide pia nomina regis
 Coelicolum, hunc terras propter lucemq; perosi,
 Infandas subiere neces exempla; dira.
 Idem etiam ætherei soboles patris unica, cœlo
 Deueniens sceleris contagem abolere uetusti,
 Præclaram rursus uenturam ad lumina uitæ
 Et semper uiēturam animam per uulnera dira
 Occumbens leto mortali è corpore soluit.
 Maximus & uates porro uitalibus auris
 Ante diem indigna concessit morte peremptus.

Ille quidem attonitum suadebat crimina uulgus
 Linquere, & æternum præsentem agnoscere regem.
 Et iam fama uiri late diffusa tyranni
 Se se in Idumei uolitans inuexerat aulam,
Herodis qui sceptrâ patris partemq; tenebat
Diuitis imperij, patrj quoq; nominis hæres.
 Is uatem eximium obseruans diuina canentem,
 Præbebat sanctis faciles sermonibus aures;
 Ille autem impuros mores, infandaq; dictis
 Acribus haud timide damnabat crimina regis.

SCIPIONIS CAPICII

Namq; is fraternos thalamos uiolare, toriq;
 Iura, fidemq; ausus uetiti fas uerterat omne,
 Omne pium gaudens cognato incestus amore.
 Huic germanus erat natu regnoq; Philippus
 Inferior, factisq; minor tum uiribus impar.
 Cui fuerat coniux forma ut prastantior una
 Sic scelere ante alias animoq; immanior omnes.
 Quæ thalami pia iura, & uincula pacta iugalis
 Soluere nil uerita, & sanctum temerare pudorem,
 Foedere connubij spreto, socioq; cubili,
 Iunxerat Herodi ueræ se coniugis instar;
 At scelus ingeminans raptosq; potitus adulter
Horrificis dignam tenebris & uindice pœna
 Intulerat tectis reginæ more superbis,
 Cunctorumq; ante ora palamq; impurus habebat.
 Ergo concubitu uates decedere turpi
 Et consanguineo regem suadebat amor
 Parcere, nec summi contemnere uindictis iram.
 Ille pijs mentem paulatim aduertere dictis
 Coeperat, & sceleris potuit iam relinquere morem,
 Ni mollem illecebræ cepissent turpis amica
 Pauissentq; acrem molli sub corde furorem.
 Illa labantem animum nutu impellebat, & agro
 Non ægre monitus uertebat pectore sanctos.
 Quin metuens, dictis dum sæpe hunc urget amaris,
 Ne quando insanos uates extingueret astus
 Inq; ipsa accensas furias sedaret amantis,
 Sæpe preces lacrimis miscens his forte tyrannum
 Vocibus aggressa est; rapient ergo irrita uenti
 Quæ dederas nobis toties promissa, ferentq;

Spes etiam nostras rapidi, nec te ulla tenebit,
Ah durum, extincti te propter cura pudoris?
Ignoti si uerba uiri te tristia flebunt,
Et poterunt pactas iamdudum soluere tedas,
Ten illi præbere aures, & ledere famam
Ausum Herodiadis pacato cernere uultu?
Et securus adhuc uiuit ferus ille, tuoq;
Hospitio fruitur liber, poenæq; uagatur
Ante oculos expers, quæ sunt mea crimina tanti?
Scilicet hic thalamis miseram pactoq; cubili
Extorrem aspiciet uictor, quemq; ipsa reliquit
Incensum infandis odijs, & coniugis ira
Ereptæ, in sedes reuehar captiua Philippi.
Nec me tam leti terret crudelis imago,
Quam paueo ut uiuens te sim caritura, tuoq;
Complexu exceptam fugiens uita ægra relinquat.
O' utinam nostris hasisset flamma medullis
Parcius, immeritam quæ nunc male perdit amantem:
Aut tua non leuior præcordia carperet ignis:
Non penitus nostro insedisset pectore uulnus,
Nec, quod tam facilis fuerim, nunc perditæ poenas
Has luerem tanto infelix confecta dolore.
Hæc promissa fides, pro simplicitate reponis
Hæc nostra, ut uerear dictis auertat iniquis
Ne mihi te quisq; & nostro seiungat amore?
Hæc de te merui, nobis hæc præmia tandem
Reddis? si mecum stabili te fœdere iungi
Non animus fuerat, nec te data dextra tenebit,
Quid primo abductam thalamo castoq; cubili
Pollicitis fraudas, & spe me pascis inani

SCIPIONIS CAPICII

Immemor, ac scui miseram formidine leti
 Concussam tanto curarum turbine iactas?
 Certe ego te famæ antetuli sanë loq; pudori,
 Et nostrum pro te foedavi crimine nomen.
 Quod te per nostri superest tibi si quid amoris,
 Id decus obtestor quondam quo grata putabar
 Ipsa tibi, falsa est huius ni gloria formæ,
 Hinc procul expellas, merita uel morte peremptum
 Hunc mulctes, tanto infontem qui auertere amanti
 Me studet, immiti percam ne uicta dolore.
 Aut, huius tibi si tantum sunt effera cordi
 Iussa, nec hos duras questus demittis in aures,
His manibus, figit regis simul oscula dextræ,
Me perime, & nostro sumas tu sanguine pœnas.
 Sic ego si moriar lucem haud inuita relinquam.
 His dictis se se in mollis demisit amanti
 Mœsta sinum largis perfundens fletibus ora.
 Heu semper miseris mortalia dedita curis
 Quam facile à recti declinant pectora cultu
 Cum furor insanus scuiq; Cupidinis ignes
 Per uenas serpunt imas atque ossibus hærent;
 Ardua nec ratio obsistit, nec cernitur ægris
 Quam subito pereant fugientis gaudia luxus.
Quem pius aterni succensus flaminis igne,
 Non potuit tetrīs uates auertere flammis,
 His mala labe sua contactum foemina dictis,
 Turpia pellexit non magno in uota labore
 Continuo facili labuntur pectore summi
 Dicta uiri, mentem subeunt monumenta nefande
 Coniugis, hæc oculis iam dudum & sensibus hæret.

Hæc eadem benefacta abolet diuinaq; uatis
Præcepta, infanoq; iras sub pectore nutrit.
Iamq; animum cupere rex dudum explere furentis,
Insontemq; uirum crudeli absumere leto;
Sed decus insignis uitæ, memorandaq; facta
Illius obstabant, nec quo defendat iniquam
Cædem habet, aut scelcri sumat quæ exordia tanto.
Nec melior captum mutat sententia mente.
Ergo hunc dum turpi uates auertere pergit
Crimine, dum furias incesti damnat amoris,
Explendæ causas optanti præbuit iræ.
Ille etenim fœdæ ex oculis hunc iussit amicæ
Auferrî, & sontem ueluti, quæ proxima uisa est
Tunc sibi pœna neci, claudi illum carcere, quo non
Teste deo melior fuerat nec iustior alter;
Is tamen æquo animo stolidi crudelia regis
Iussa ferens, miseros quantum non claustra uetabant
Impia mortales optato aduertere regi
Pergebat summo, diuinaq; iussa docere,
Et morem infandum Herodis, miserandaq; gentis
Humanae sanctis incessere crimina dictis.
Ast is non ullis præbebat uocibus aures;
Demens qui è prauæ totus pendebat amicæ
Arbitrio, hæc, cæcam turpis quocumq; libido
Traxerat, haud duris miserum flectebat habenis.
Hæc igitur, quamq; in uatem accendisse tyrannum
Et potuit duris insontem neciere uinclis,
Præteritiq; iuuat tutam meminisse pericli,
Ac uetitum stabili iunctum sibi fœdere amantem,
Absentem tamen hunc præsens auditq; uidetq; ,

SCIPIONIS CAPICII

Et se carpentem dictis despectat amaris ;
 Terribilesq; uiri monitus & libera iussa
 Assiduis urgent stimulis terrentq; pauentem .
 Qualis ubi duris Nomadum uenator in aruis
 Incidit in iaculis actum de monte leonem ,
 Frendentisq; feri uix dente elapsus, aperto
 Securus licet in campo tamen horrida semper
 Ora uidet rapidumq; diu reminiscitur hostem ,
 Aut ubi quem carcer seruabat criminis atras
 Laturum leto pœnas, si uincula rupit
 Euasitq; fuga, elapso tortorq; , necisq;
 Assidue ante oculos dira obuersatur imago ;
 Haud aliter trepido uersans sub corde timorem
 Turpis amans, ausis reputat nil omnibus actum
 Optato properet ni uatem perdere leto .
 Nec contenta amplis solitum spatia rier aruis
 Angusto in tecto, & solis clausisse latebris
 Quærebat tota uitæ hunc subducere mente ,
 Et nece se tandem longis hac soluere curis,
 Optatamq; uiam ostendit Fortuna modumq; .

Forte dies aderat, prisco quem more quotannis ,
 Illo quod fuerat uitalibus editus oris ,
 Rex celebrare epulo festoq; assuerat honore .
 Hoc iuuenum primi, & forma cultuq; puellæ
 Insignes, aula admissi dapibusq; beatiss
 Lata frequentabant alacri conuiuia plausu .
 Hunc uero prius alma nouo q̃ proderet ortu
 Aurora, igniuomos iungens ad frena iugales ;
 Cum uagus occidua sublatus noctifer unda
 Aethera suffundit tenebris, stellasq; reducit ,

Et pecudes serpensq; animal raucaq; uolucres,
 Ac mortale genus, uigili defessa labore,
 Admittunt placidam per corda sopita quietem.
 Rex ipse oblito curarum pectore somnos
 Carpebat, seroq; rigabat membra sopore;
 Et iam nox cursu medium superauerat axem,
 Fulgentesq; faces in mundi prona uehebat,
 Cum nitidis fuso in stratis blandumq; fouenti
 Complexu è tenero spirantem coniugis ignem,
 Olli uisa uiri ornatu insignis & ore
 Effigies, sacer ad talos quem fusus amictus
 Canaq; purpureæ uelabant tempora uitæ,
 Sicq; audita loqui; Tibi mollem cura quietem
 Ducere, & ignauo prosternere membra sopori?
 Immanis tibi commissas moderatur habenas
 Fœmina, dilectiq; deo retinacula regni?
 Ah miser, ah male caute uides quibus astuat illa
 Fluētibus, & quantos agitat sub corde furores;
 Et tamen hanc propter nexus abolere uetustos,
 Et ueram uobis uenientem pandere lucem,
 In tenebris cohibes, & tetra carcere claudis.
 Quin etiam cum clara dies se gurgite cano
 Tolle, & ardentes radios induxerit orbi,
 Egregia hunc coniux pro ignaui munere facti,
 Hunc, tibi qui potuit perituro asserre salutem,
 Aeternaq; decus uitæ, brutum uelut, aræ
 Aut epulis animal pastor quod seruat opimis,
 Crudeli iam iam perdendum funere poscet.
 Dum licet insanæ mentis compesce furorem;
 Infandoq; tibi deuinctam fœdere, quæ iam

Facta tui regniq; potens promissa reposcet, nunc si iugiter
 Mitius optare assuescas, aut parcius uti
 Pollicitis, pauco quæ in uos post tempore cedent.
Ille quidem superis iam pridem debitus, agro
 Corpore se exoluens coetus terrasq; relinquet;
 Atque aliam nullo præscriptam tempore uitam
 Deget, & ætherio præsentis rege fruatur.
 Nec refert, sua ne illum mors, an uulnus acerbum
 Finit, atque aui modicum ferus auferat ensis.
Te tamen d'semper doliture æterna manebunt.
Supplicia, & uindex summo sub indice poenæ.
 Et quæ nunc cademq; inhiat sanctumq; cruorem
 Vatis, & horridi compos mox impia uoti,
 Ibis ouans parto tali spectanda trophæo,
Illi tempus erit diri cum funeris insonat.
 Esse uolet, uitamq; illa pro cade pacisci,
 Cum patrio extorrem cælo, regnoq; beato
 Te comitata suum, rerumq; , atque indiga lucis.
 Longe alias gentes, aliasq; uehetur ad oras;
 Vitam ubi pauperie in misera luctuq; trahetis;
 Externosq; pati mores, fastusq; coæli,
 Confectisq; situ tandem duroq; labore
 Corporibus misero linquetis funere terras,
 Ac barathri immergis tetri infelicibus umbris,
Supplicij nullo cessandum est tempore diris.
 Tantum effatus regem mortalemq; reliquit
 Effigiem, tenuesq; procul concessit in auras.
 Talibus at uisis perculso protinus illi
 Somnus abit, gelidusq; subit pavor ossa sub imâ.
 Nec dum pigra nouo fugiens nox cesserat ortu,

Corripit è stratis trepidos cum mollibus artus,
 Atque oculos peragrans, crebrisq; recursibus aulam,
 Fatidici responsa uiri, uisamq; uolutat
 Effigiem, per tot seruata ex ordine reges
 Illa forte domo tabula quæ extabat eburna,
 Mollis ducta manu, gemmisq; auroq; renidens.
 Namq; olim Solyma meritis insignis in urbe
 Vir fuit, æterno perfusus numine mentem,
 Ignauas qui uoce tribus, tumidosq; tyrannos
 Compescens, summi pia patris iussa docebat.
 Hic & clamantis nemorosa per auiâ uocem
 Supremi cecinit uatis, mirosq; futuri
 Aeterni regis conceptu uirginis ortus,
 Humani attactus noxaq; expertis, & illo
 Deuotum mortale neci, dirisq; tenebris
 Exemptumq; genus recreataq; secula partu.
 Verum dum sanctos monitus metuendaq; summi
 Dicta uiri haud aqua rex captat perfidus, ære,
 Ancipitem struxit querno de robore ferram,
 Perq; uiri hanc costas adigens, miserabile dictu,
 Dissecuit medium, & longa sic morte peremptum
 Impia subduxit uitæ per uulnera corpus.
 Ille igitur longum quamuis ante editus æuum
 Cessisset terris superas euectus ad oras,
 Nota tamen pietas & sacri carminis ardens
 Gloria, quo regni cecinit noua secla futuri,
 Et picto seruata diu uinebat imago.
 Ergo immota tenens rex fixo hic lumina uultu
 Multa mouet, trepidusq; imo sub pectore uersat
 Eximij uatis benefacta & coniugis iras

Illa metus uulgi, impatiens has aggerat ardor .
 Heu quo declinet ? facinus ne immane retrahet ?
 Et sua dicendi reddatur sancta redempto
 Libertas, cedantq; pijs fera pectora iussis ?
 An misere ex illo lenitum carcere uulnus
 Non grauet, & uatem seruando extinguat amantem ?
 Nulla quies, non ulla animum sententia firmat .
Ancipitesq; inter curas, certumq; timorem ;
 Has nunc in partes agitur nunc flectitur illas .
 Ceu speculum uersat cum quisq; leue, micantis
 Percussum solis radijs, iam mobile tecti
 Summa ferit lumen, uacuas iam uerberat auras,
 Quaq; resurgentis facies se uerterit orbis,
 Omnia percurrrens uarijs loca flexibus ambit .
 Iam caput oceani madidum sol aureus unda
 Extulerat, croceoq; diem patefecerat ortu ;
 Cum trepidant omnes, felix quibus illa futura
 Lux fuerat, subeuntq; alacres regalia tecta :
 Ipse licet nulla admittat rex gaudia, & altum
 Pectore uulnus alens ingenti exuberet astu ,
 Spem tamen obducens uultu frontemq; serenans,
 Egregio procerum coetu, iuuenumq; caterna
 Septus, & ardenti late spectandus in ostro ,
 In stratis placide uenientes accipit altis ,
 Ordine quemq; iubens lautis discumbere mensis .
 Regia suspensis aulaeis tota superbis
 Splendet, & inductis niveis mantilibus ingens
 Cedrus, collucentq; abacis ingentia latis
 Ex auro solida, & miris uasa aspera signis .
 Continuo manibus lymphæ funduntur odora,

Tum famuli centum cumulatis orbibus amplas
Triticis onerant candentibus, & dape mensas
Multiplici, totidem pubentis flore iuuenta
Et cultu similes ardentia pocula miscent.
Atria lata sonant strepitu, laqueataq; latis
Vocibus, & vario miscentur murmure testæ.

Ergo Herodiadi, quod uix optauerit umq;
Cum lacrimis repetenda dies illa obtulit ultro;
Namq; nitet largo diues dum regia luxu,
Hæc natam ornabat solerti sedula cura,
Quam cantu & molli spectantes ducere saltem
Mira arte edoctam, à primis permiserat annis
Foemineos celebrare choros coetusq; uiriles.
Illam quo poterat studio comebat, & artem
Natiuo decori formaq; addebat honores;
Ora colorato pingit fulgentia fuco,
Certantesq; auro crines innodat in aurum,
Tum grauibus teneras aures & pectora gemmis
Baccatoq; onerat candentia colla monili;
Contextam hinc auro uestem, gemmisq; coruscantem
Induit insertis, uivis distincta figuris
Quam ducto argento decorabant aspera signa.
Sic parvæ genitrix natæ male cauta pudori
Insidians, gestu quo se componat, & orbes
Quos agat, & quali ducat uestigia motu,
Haud ignara docet, tum mollis gramine costæ
Conspersam, & totam fragranti rore madentem
Sic iubet instructam regis se sistere ad ora.
Cuncti illam aspiciunt cupide & mirantur euntem
Ut fastu vultus obducat parua tumentem,

Praferat ut tenera maturum fronte decorem .
 Iamq; aulam subit, atque hilarem introgressa tyrannū
 Conuiuasq; petit, blanda quos uoce salutans
 Accipitur placide, & largo cumulat honor .
 Ut uero expleti dapibus, requiesq; petita,
 Demulsiq; aures non uno tibia cantu,
 Rex nitide gnarus lusus artisq; puellæ,
 Compos hos iubet, & uarios hanc edere motus ;
 Nec mora turba frequens se se collegit in arcum ;
 Illa autem bifori buxo praeunte, nouosq;
 Ad sonitus quos pulsa modis dant tympana miris ,
 Coepit certa uago uestigia ponere gressu .
 Iamq; hos absoluit, iamq; illos diuidit orbes ,
 Fulgentisq; soli pedibus nunc leuia pulsat
 Marmora, perniciēs certo nunc ordine plantas
 Suspendit, rectoq; agilis, se corpore motat,
 In numerumq; pedes agitanis procedit eodem
 Incessu, uarijs mox cedit saltibus, amptos
 Aut gyros agit, angusto aut se colligit orbe .
 Quæ simulac longo clausit spectacula lusu ;
 Excipitur coetu circum plaudente, nouisq;
 Certatim hanc omnes & regem laudibus ornant .
 Ast obtusa gerens nimio praeordia luxu
 Herodes, madidusq; iocis uinoq; uacillans ,
 Ecquæ mater, ait, formosi premia partus
 Digna feret ? formæ & grati quæ filia lusus ?
 Quare age quæ cupies dulcis pete cumque puella :
 Cuncta feres, si uel regni soliq; uenire
 Legeris in partem, & mecum regina uocari :
 Per patris id iuro superum inuiolabile numen .

Sic ait, & pariter cunctantem hortatur, & addit
 Quæ petat, & largis ornat sua munera dictis.
 Illa autem, dira seu sic edocta parente,
 Siue, quid oblati de tot prius eligat, anceps,
 Hanc festina petens, magni promissa tyranni
 Edocet, & donis poscit consulta legendis:
 Accipiens quæ animo tempus scelerata modumq;
 Hæc secum; nostro finis non ulla dolori
 Nec requies erit? & uitam inter spemq; metumq;
Aegra traham dubiam semper? nostrisq; ferocem
Ille animum lacrimis pascet, miseramq; iubebit
Ante diem extingui crudeli funere uitam?
Quem proferre piæ cœlestia commoda pacis,
 Aeterniq; aiunt felicia tempora regis.
 Nec pœnas hic morte luet? Sed uindictis ira
 Me uetat, & timidam terrent odia aspera uulgi.
 Ergo sic uiuam potius? Sed relinquere mortes
 Per mille id uitam est. inuietum flectere regis
Pellæi una animum potuit nec sobria pellex,
 Vnde est in tristem subito prolapsa ruinam
 Persepolis, regni memorabile nomen eoi;
 Ipsa ego non Thais, tellus absorbeat ima
 Me prius, Herodis coniux, explere merentis
 Vnius exitio, grauibusq; exoluere curis
 Non animum potero? musset mutabile uulgus,
 Inq; unam exertent omnes rapida ora, quid ultra
 Tum metuam? dicar nimium indulsisse furori,
 Esto, atrox fuerit, sed non reparabile crimen.
 Multa grauis carpit liuor patranda, feruntur
 Facta eadem, ac sæpe hæc tribuit plebs improba laudi.

SCIPIONIS CAPICII

Tales illa truci uoluens sub pectore questus ,
 Eheu quo turbor gemitu, iam faucibus imis
 Hæret, & hæc fari linquit uox ægra parantem ;
 Nata dies inquit nostras hæc soluere curas,
 Et poterit longo finem præbere dolori .
 Tu modo, ne ceptis quicquam felicibus obset ,
 Tolle moras, munusq; piæ allatura parenti
 I pete Ioannis caput à ceruice reuulsum .
 Hæc maneat nostrum qui foedant crimine nomen .

O' seuam d tetram rabies quo te impulit atra ?
 Tu ne iurum decus eximium, tu pessima gentis
 Fœmineæ ignaui mercedem poscere lusus ,
 Flammantisq; animi fluctus cæcumq; furorem
 Illa anima potuisti, illaq; extinguere cæde ?
 Sol, qui humana oculis penetralibus omnia cernens
 Denudansq; opera, horrificis sæpe impia signis
 Accusas scelera, & cohibes formidine mentes ,
 Impie sol, nitidum quid non mortalibus illis
 Occuluisse caput, turpemq; offundere noctem
 Te aspexere pii, tantumq; horrescere crimen ?
 Illum per nemora, in lustrisq; horrentibus æuū
 Degentem mutum genus, atque immite animantum
 Liquit inoffensum, semperq; per alta uagantem
 Auia, & in solo carpentem gramine somnos
 Securum, haud umq; læsit uis fæua ferarum .
 At tibi scuitia d rabidos truculentâ leones,
 Et tigres superans, dirisq; immanior hydris ;
 Nulla fuit pietas, flexit clementia pectus
 Nulla tuum, ut uatis posses miserescere tanti ,
 Et scelere insigni crudelem auertere mentem .

Ergo abiit parens genitricis filia dicto,
 Et donum supplex regem miserabile poscit.
 Indoluit dubia turbatus mente tyrannus,
 Continuoq; oculis nubes discussa, madensq;
 Visa sub hesternam pectus mouere quietem.
 Iamq; acres subeunt monitus, iam dira minantem
 Funera presentem uigilans auditq; uidetq;
 Atque hinc ancipitem sancti reuerentia uatis,
 Si scelus admittat, uulgiq; mouenda tenebant
 Corda, fides illinc sancte promissa puellæ,
 Et timor, astantum ne animos periuria ladant.
 Quid faciat? tanta num spe deturbet amantem,
 Et deuota neci, suppositaq; uictima ferro,
 Quæ sola infandum poterit lenire dolorem,
 Incensa sacram furiis non imbuat aram?
 An meritas sancto fuso det sanguine pœnas,
 Et certum exitium promissaq; funera cernat?
 Iam potuit uecors crudelia flectere iussa,
 Concilijsq; moram, certasq; innectere causas,
 Inclyta tum uatis pietas, ac uisa referre
 In melius poterant nutantem insomnia mentem,
 Sanior at sensus tunc pectus liquerat agrum,
 Arbitrioq; amens diræ pendebat amanti.
 Agnoscit quid cæca sequi iubet ira, furorq;
 Quidue nitens ratio, penitus sed pestis in artus
 Descendens imum cogebat frigore pectus,
 Quoq; magis dirumq; nefas propiusq; periculum
 Impendens capiti, prædictaq; funera noscit,
 Ingruit hoc torpor magis augetq; morando.
 Qualis ad optatæ uenturos gaudia terræ

SCIPIONIS CAPICII

Electos Pharaon populos cum carcere, & atro
 Seruitio premeret, magni iam mira uidebat.
Signa ducis, superumq; minas, coeloq; petita.
 Excidia, & dira praesentia funera cladis,
 Horrida sed duro glacies in corde rigebat.
 Et ueluti canum si tollere foeda parentem,
 Siue uirum turpi promisit adultera mœcho,
 Atque atrum in prœptu est sceleris quod gnara uenenū
 Misceat incauto, facinus crudele, comeq;
 Ante oculos culpæ pœna obuersatur, & anceps
 Cuncta timens ausum exequitur tandem impia dirū,
 Pollicitis saeuum ne infandis fraudet amantem.
 Haud secus Herodis dubiam sententia mentem
 Deterior mouit, factumq; immane petenti
 Annuit; ignauus, qui pluris olentia duxit
 Dicta merum impuræ non abiurare puellæ,
 Tali cede sibi q̄ non accersere mortem
 Longe aliam, & nunq̄ delendum admittere crimen.
 Saeva igitur uecors statuens promissa tyrannus
 Implere, immanemq; animum satiare pudendæ
 Coniugis, & recti hanc propter decedere cultu,
 Dirum horrendum crudele ingens imperat ausum
 Absolui, atque atrum posita pietate ministrum
 Criminis infandi tam sancti sanguine uatis,
 Pro scelus, infonti crudeles sumere pœnas.

Iam laudum immenso uates diuine tuarum
 Expatiata mari tenuis subit hostia puppis
 Optata, & positis sinuantur carbasa uentis.
 Iam penitus sacrae fixi uestigia syluæ,
 Intacta referens lectos ex arbore ramos,

Felix cum tali præcingi tempora fronde ,
Et merear tantæ decerpere laudis honorem .
Hæc si digna pijs habeantur carmina ceptis ;
Atque tuos ortus, sanctæq; insignia uitæ
Facta tuæ, digno exulimus si ad sidera cantu ;
Deflemusq; pie facinus crudele tyranni ,
Qui sæpo ante diem rapuit te funere terris .
O' tantum his oculis largus ne tristibus humor
Desit, & hæc tales comitentur carmina fletus,
Moxsta tui comites sparserunt qualibus ora ,
Quum caput ex humeris disco scelerata reuulsum
Nata sacrum referens dira lacrimabile matri
Offerret donum, tristesq; cruenta uiderent
Spectaculo immanem satiantem lumina tali ;
Et stratum tellure tuum miserabile corpus ,
Quo duce deserti heu pietas, qualiuic magistro,
Exciperent sublime humeris tumuloq; referrent ,
Tam dignis cuperem lacrimis tua maxime uatum
Funera, & hoc diram questu deducere cadem ;
Ni tua dura pijs patribus mors læta tulisset
Gaudia, sub noctis seræ tabentibus umbra .
Quandoquidem superis post uitæ incommoda ab oris
Excedens, sine luce domos, sedesq; subisti
Quas animæ insontes & fortunata colebant
Agmina, cœlicolum iam iam expectantia regem .
Huic ut tu in terras uenienti præuius isti ,
Par fuerat uita te functum in cæca præire
Regna, ostensurum uenturæ his gaudia lucis,
Illa quos tenuis in tenebris traducere noctem
Antiqua impulerat primæui noxa parentis .

SCIPIONIS CAPICII

Paruit ergo atrox dicto, crimenq; minister
 Horrendum accelerans, ubi regis iussa nefandi
 Insignis uates haud fracta mente ferebat,
 Clausura adiit, strictumq; attollens impius ens
 Letiferum, toto pendentis pectore caelo,
 Ah facinus, sanctum ex humeris caput abstulit, ille
 Concidit exanimis, iacuitq; in carcere truncus.

SERIES LITERARVM,

A B C D E F G H.

APVD ALDI FILIOS.

VENETIIS, M. D. XLVI.



LIBRARY OF THE

AMERICAN

AND ALBANY

LIBRARY, W. E. HILL













